



ル 5
3252
5



門 几 5
號 3252
卷 5

昭和十七年
五月二十日
購求

廣東攷古輯要卷二十一

權稅

漢

桂陽郡有金官漢書地理志

晉

晉元帝寓居江左嶺外酋帥因生口翡翠明珠犀象之饒雄於鄉曲朝廷多因而署之以收其利歷宋齊梁陳皆因而不改其軍國所須雜物隨土所出臨時折課市取乃無恒法定令隋書食貨志

唐

貞元八年詔東南兩稅財賦自河南江淮嶺南東道至於渭橋以戶部侍郎張滂王之舊唐書食貨志

元和四年六月辛丑五嶺以北銀坑任人開採禁錢不過嶺南

舊唐書
憲宗紀

建中定兩稅而物輕錢重民以為患至穆宗時四十年當時為
絹一疋半者為八疋大率加三倍大商積錢以逐輕重故農
人日困末業日增帝亦以貨輕錢重民困而用不充詔百官
議革其弊戶部尚書楊於陵言大歷以前嶺南雜以金銀丹
砂象齒今一用泉貨故錢不足今宜使天下權酒鹽利上供
及留州送使錢悉輸布帛穀粟宰相善其議惟酒鹽本以權
率計錢有殊兩稅之名不可去錢

沈炳震新舊唐
書合抄食貨志

穆宗即位兩鎮用兵帑藏空虛鹽鐵使王播圖寵以自幸乃增
天下茶稅率百錢增五十江淮浙東西嶺南福建荆襄播自
領之兩川以戶部領之天下茶加斤至二十兩播又奏加取

新唐書
食貨志

太和七年御史臺奏伏準太和三年赦文天下除兩稅外不得
妄有科配臣昨因嶺南道擅置竹練場稅法至重害人頗深
伏請起今以後應諸道自太和三年準赦文所停兩稅外科
配雜權率等復卻置者仰刺到後十日內具卻置事由聞奏
仍由臺司每有出使郎官御史合嚴加察訪苟有此色本判
官重加懲責長吏奏聽進止從之

舊唐書
食貨志

宋

開寶六年詔嶺南商賈齋生藥者勿算

文獻
通考

咸平初廣南西路轉運使陳堯叟言准詔課植桑棗嶺外產苧
麻許令折數仍聽織布赴官場博市疋為錢百五十至二百
至是三司請以布償芻直

宋史食
貨志

續資治通鑑長編

卷一百一十一

食貨

熙甯八年置廣州市易司三月以惠州阜民監錢十萬緡給廣州市易上

熙甯十年以前諸州商稅歲額 三萬貫以下 廣^{十四} 昌

化^三 潮^五 一萬貫以下 南雄^六 英^八 五千貫以

下 循^四 韶^二 連^四 封^三 端^一 新^一 南恩^一

惠^四 梅^二 春^九 化^五 高^六 雷^一 欽^一 萬

安^一 朱崖^一 廉^五 瓊^一

元豐二年瓊管奏海南收稅較船之丈尺謂之格納其法分三等有所較無幾而輸錢多寡十倍賈物自泉福兩浙湖廣至者皆金銀帛物直或至萬餘緡自高化至者惟米包瓦器牛畜之類直纔百一而概收以丈尺故高化商人不至海南遂乏牛米請自今用物貴賤多寡計稅官給文憑聽鬻於部內

否則許糾告以船貨給賞詔如所奏^{俱同上}

三年朱初平等言每年省司下四州軍買香官吏並不據時估值沉香每兩只支錢一百三十文科配香戶受納者多取助重又加息耗因緣私買不在此數以故民多破產海南大患無甚於此其廣州外國香貨及海南客旅所聚若置場和買未為過也詔從之^{李肅續通 監長編}

元符三年市易務改名平準務^{文獻通考}宣和七年以度僧牒給舶司為折博本廣南福建兩浙自五百至二百各有差^{同上}

建炎二年高宗在揚州以諸路州軍添酒錢添買糟錢典賣田宅增牙稅錢官員等請給頭子錢樓店務增三分房錢令兩浙江東西荆湖南北福建二廣收充經制錢以憲臣領之通

判歛之季冬輸送宋史食貨志

建炎三年詔福建廣南自崇甯以來歲買上供銀數浩大民力

不堪歲減三分之一文獻通考

紹興二年以諸路上供絲帛並半折錢如兩浙例江淮閩廣折

帛錢自此始宋始食貨志

紹興五年十一月以調度不足詔諸路州縣出賣戶帖令民具

田宅之數而輸其直既而以苛擾稽緩乃立價凡坊郭鄉村

出等戶皆二十千鄉村五等坊郭九等戶皆一千凡六等惟

閩廣下戶差減期三月足輸送行在旱傷及四分以上者聽

旨同上

宋興金銀銅鐵鉛錫之貨凡諸軍產金有五產銀有三又有五

十一場內廣州之上雲韶州之樂昌螺院靈源連州之同官

英州之賢德堯山竹溪恩州之梅口春州之陽江銅產有三

十五場英州一曰禮平產鐵有四監又有十二冶內英州之

黃石二十務梅州一二十五場連州之牛鼻產鉛有三十六

場務連英春州各一韶州二產錫有九場內潮州之黃岡循

州之大佐文獻通考

金銀銅鐵錫鉛之冶金產有南恩州銀產鉛產皆有英韶連春

四州銅鐵產皆有韶英二州錫產有潮循二州同上

政和元年廣東漕司復奏端州高明惠州信宜立溪場皆宜停

閉韶州曹峒場英州銀岡場皆併入英之清溪場惟黃院場

欲權存俟歲終會取入別奏惠州楊梅東院康州雲列潮州

豐政連州元魚銅院黃田白寶廣州大利宜祿韶州伍汪岑

水銅岡循州大佐羅翽英州鐘銅凡十六場請並如舊循之

夜明英之竹溪韶之思溪連之同安請更遣攝官從之宋史食貨志

六年十二月廣東漕司言本路鐵場院治九十二所歲額收鐵二百八十九萬餘斤浸銅之餘無他用詔令官悉市以廣浸仍以諸司及常平錢給本上同

政和七年四月廣東廉訪黃烈等言廣惠英康韶州興慶府政和中寶貨司立院治金銀等歲額或苗脈微或無人承買而浮冗之人虛託其名發毀民田騷動邀販詔政和六年取立額並罷舊有苗脈可給歲課者如故上同

紹興末歲產銅韶州膽銅八萬八千九百斤黃銅二百斤連州黃銅二千八百斤產鐵惠州一萬二千七百斤韶州一萬二千斤廣州六千九百斤南雄州四百斤皆有奇產鉛韶州五

千六百斤連州五千斤南恩州三百斤潮州六千斤皆有奇朝野雜記

金銀院治湖廣閩浙皆有之廣東西金院廣東銀院上同

開寶四年詔禁嶺南商稅鹽麴如荆湖法宋史太祖紀

太平興國七年仍賣官麴而廣南東西路在不禁民酤之列自春至秋醞成即鬻謂之小酒其價自五錢至二十錢有二十六等臘釀蒸鬻候夏而出謂之大酒自八錢至四十八錢有二十三等醞法酒式從之土地取宜上同

孝宗隆興二年臣僚言福建廣南等處以烟瘴之地許民間造酒服藥小民無力醞造權酤之利盡歸豪戶乞將所造酒經官稅畢然後出賣其稅錢椿發行在從之文獻通考

天禧間天下茶皆禁惟川陝廣南聽民自買賣禁民出境凡民

茶折稅外匿不送官及私販鬻者沒入之計其直論罪宋史食貨志

紹興末年東南十路歲產茶一千五百九十餘萬斤廣東南雄

循州二千六百斤朝野雜記

紹興元年詔廣南市舶司抽買到香依行在品荅成套召入算

請其所售之價每五萬貫易以輕貨輸行在宋史食貨志

禁國朝舊志韶州岑水場十萬斤其法自權貨務給引赴場許

客人算請每百斤為一大引輸引錢十二千頭子市利顧人

工墨錢二百七十六又許增二十斤勿算以優之五十斤為

中引三十斤為小引引錢及加貨以是為差十四年以商販

利薄減為十千後又增一千朝野雜記

開寶五年詔罷嶺南道媚川都採珠先是劉鋹於海門鎮募兵

能採珠者二千人號媚川都凡採珠者必以索係石被於體

而沒焉深者至五百尺溺死者甚眾及平嶺南廢之仍禁民

採取未幾復官取文獻通考

元

產金之所江西省日撫瑞韶產鉛錫之所江西省日韶州桂陽

元史食貨志

至元二十二年韶州路曲江縣銀場聽民煽煉每年輸銀二千

兩同上

珠在廣州者採於大步海同上

明

鐵冶所洪武六年置江西進賢新喻分宜湖廣興國黃梅山東

萊蕪廣東陽山陝西鞏昌山西吉州二太原澤潞各一凡十

三所歲輸鐵七百四十六萬餘斤明史食貨志

宣德四年令廣東廣州市鎮店肆門攤稅課加五倍候鈔法通

止明會典

世宗初內府供應減正德十九中年以後營建齋醮採木採香採珠玉寶石吏民奔命不暇用黃白蠟至三十餘萬斤又有召買有折色視正數三倍沉香降香海漆諸香至十餘萬斤又分道購龍涎香十餘年未獲使者因請海舶入澳久乃得之同上

萬歷十二年姦民屢以礦利中上心諸臣力陳其弊帝雖從之意怏怏二十四年張位秉政前衛千戶仲春請開礦位不能止開採之端啟廢弁白望獻礦峒者日至於無地不開中使四出廣東則李敬同上

權稅之使自萬歷二十六年千戶趙承勛奏請始命李鳳於廣州或徵市舶或徵店稅或專領稅務或兼領開採姦民納賄於中官輒給指揮千戶劄用為爪牙水陸行數十里即樹旗建廠視商賈懦者肆為攘奪沒其全資負戴行李亦被搜索又立土商民目窮鄉僻壤米鹽雞豕皆令輸稅所至數激民變帝率庇不問諸所進稅或稱遺稅或稱節省銀或稱罰贖或稱額引贏餘又假買辦孝順之名金珠寶玩貂皮名馬雜然進奉帝以為能甚至稅監劉成因災荒請暫寬商稅中旨仍徵課四萬其嗜利如此三十三年始詔罷採礦以稅務歸有司而稅使不撤李道詭稱有司固卻乞如舊便帝遽從之同上

--	--	--

廣東攷古輯要卷二十四

市舶

漢

黃支國多異物自武帝以來皆獻見有譯長屬黃門與應募者俱入海市明珠璧流離奇石異物齎黃金雜繒而往所至國皆稟食為糶蠻夷賈船轉送致之亦利交易剽殺人又苦逢風波溺死不者數年來還大珠至圍二寸以下

漢書地理志

唐

王鏐遷廣州刺史御史大夫嶺南節度使西洋大海中諸國舶至則盡沒其利由是鏐財富於公藏

舊唐書王鏐傳

王方慶都督廣州南海舊有崑崙舶市外區珠琲秋毫無所索

海玉

柳澤開元中典嶺南選時市舶使右衛中郎將周慶立造奇器以進柳澤上書言慶立彫製詭物造作奇器用浮巧爲珍玩以譎怪爲異寶乃治國之巨蠹明主所宜嚴罰云云書奏元宗稱善

新舊唐書合鈔

陸贄論嶺南請於安南置市舶中使狀曰嶺南節度經畧使奏近日船舶多往安南市易進奉事大實懼闕供臣今欲差判官就安南收市望定一中使與臣使司同勾當庶免欺隱希顏奉宣聖旨宜依者遠國商販惟利是求廣州地當要會俗號殷繁交易之徒素所奔轅今忽舍近而趨遠棄中而就偏若非侵刻過深則必招懷失所且嶺南安南莫非王土中使外使悉是王臣若緣軍國所需皆有今式恒制人思奉職孰敢闕供豈必信嶺南而絕安南重中使而輕外使殊失推誠

之體又傷賤貨之風望押不出

陸宣公奏議

文宗太和八年疾愈德音南海蕃舶本以募化而來固在接以恩仁使其感悅思有矜恤以示綏懷其嶺南福建及揚州蕃客宜委節度觀察使常加存問除船舶收市進奉外任其往來通流自爲交易不得重加率稅

定全唐文欽

南海舶外國船也每歲至安南廣州師子國船最大梯上下數丈皆積寶貨至則本道奏報郡邑爲之喧闐有蕃長爲主領市舶使籍其各物納舶脚禁珍異蕃商有以欺詐入牢獄者

李肇國史補

開寶四年置市舶司於廣州後又於杭明州置司凡大食古邏闍婆占城勃泥麻逸三佛齊諸蕃并通貿易以金錫緡錢鉛錫雜色白瓷器市香藥犀象珊瑚琥珀珠琲鑲鐵髓皮瑇瑁

瑪瑙車渠水精蕃布烏楠蘇木等物太宗時置權署於京師
詔諸蕃香藥寶貨至廣州交趾兩浙泉州非出官庫者無得
私相貿易其後乃詔自今惟珠貝玳瑁犀象鑽鐵鼈皮珊瑚
瑪瑙乳香禁權外他貨官市之餘聽市於民

雍熙二年九月己巳禁海賈

宋史太宗本紀

雍熙中遣內侍八人齎敕書金帛分四路招致海南諸蕃商人
出海外蕃國販易者令並詣兩浙市舶司請給官券違者沒
入其寶貨

宋史食貨志

淳化二年詔廣州市舶除權貨外他貨之良者止市其半大抵
海舶至十先征其一價直酌審貨輕重而差給之歲約獲五
十餘萬斤條株類

太平興國初私與蕃國人貿易者計直滿百錢以上論罪十五

貫以上黥面流海島過此送闕下淳化五年申其禁至四貫
以上徒一年稍加至二十貫以上黥面配本州為役兵天聖
以來象犀珠玉香藥寶貨充牣府庫嘗斥其餘以易金帛芻
粟縣官用度實有助焉而官市貨數視淳化則微有所損皇
佑中總歲入象犀香藥珠玉之數其數五十三萬有餘至治
平中又增十萬熙寧七年令船舶遇風至諸州界亟報所隸
送近地船舶司權賦分買時廣州市舶虧歲課二十萬緡或以
為市易司擾之故海商不至令提舉司究詰以聞既而市易
務呂邈入船舶司關取蕃商物詔提舉司劾之九年

通考作元祐元年

集賢殿修撰程師孟請罷杭明州市舶諸司皆隸廣州一司
令師孟與三司詳議之是年杭明廣三司市舶收錢糧銀香
藥等五十四萬一百七十三緡匹斤兩段條箇顆臍隻粒支

二十三萬八千五十六緡四斤兩段條箇顆臍隻粒

元豐三年中書言廣州市舶已循定案約宜選官推行詔廣州以轉運使縣廼罷帥臣兼領

元豐五年廣西漕臣吳濟言雷化州與瓊島對境而發船請引於廣州船司約五千里乞令廣西瀕海郡縣土著商人載米穀牛酒黃魚及非船司賦取之物免至廣州請引詔孫迥詳度行之崇寧三年令蕃商欲往他郡者從船司給券毋雜禁物姦人初廣南船司言海外蕃商至廣州貿易聽其往還居止而大食諸國商亦丐通入他州及京東販易故有是詔凡海船欲至福建兩浙貿易者東南船司給防船兵仗如詣諸國法廣南船司鬻所市物貨取息毋過二分政和二年詔如至道之法凡知州通判官吏並船司使臣等毋得市蕃商香

藥禁物俱同上

建炎元年詔市舶多以無用之物枉費國用取悅權近自今有以篤耨香環瑪瑙猫兒眼睛之類博買前來及有虧蕃商者皆重置其罪令提舉按察惟宣賜臣僚象笏犀帶取材船司每令揀選堪用者起發凡船舟之來最大者為獨檣載一千婆蘭蕃語謂三百斤為一婆蘭也次曰牛頭船比獨檣得三之一次三木船次料河船遞得三之一也文獻通考

建炎三年三月癸巳張浚命節制司參議官辛道宗置海船宋史

高宗本紀

紹興二年臣僚言邕欽廉三州與交趾海道相連亡賴之徒掠賣人口販入其國貿易金香以小平錢為約詔監司守倅巡捕覺察文獻通考

十一年十二月丁亥立譏察海船條法宋史高宗本紀

十七年十一月詔三路船司蕃商販到龍腦沉香丁香白豆蔻

四色並抽解一分餘數依舊法先是十四年抽解四分蕃商

訴其太重故也文獻通考

二十七年十二月甲午詔廣南經畧市船司察蕃商假託入貢

宋史高宗本紀

隆興二年臣僚言熙寧初創立市船以通貨物舊法抽解有定

數而取之不苟納稅寬其期而使之待價懷遠之意實寓焉

邇來抽解名色既多兼迫其輸納使之貨滯而價減所得無

幾恐商旅不行乞下市船司約束從之既而市船司條具利

害謂抽解舊法十五取一其後十取其一又後擇其良者如

犀牙十分抽二又博買四分珍珠十分抽一又博買六分舶

戶懼抽買數多所販止是麤色雜物照得象牙珠犀比他貨

至重乞十分抽一之外更不傳買且三路船舶各有司存舊

法召保給據起發回日各於發船處抽解近緣兩浙船司申

請隨便往船變賣遂壞成法乞下三路照舊法施行兼商賈

由海道與販其間或有盜賊風波逃亡者回期難以程限乞

令召物力戶充保自給公憑日為始若在五月內回船與優

饒抽稅如滿一年內不在饒稅之限滿一年之上許從本司

根究責罰施行若有透漏元保物力同坐從之文獻通考

六年詔諸市舶綱首能招誘船舶抽解物貨累價及五萬貫補

助以上者補官有差監官推賞其後監官等止將海商入蕃

與販便作招誘計數該賞者多而發到香貨下色者皆充數

紐估乃詔船司相度措置毋容僥倖同上

乾道三年詔廣南兩浙市舶司所發舟還因風水不便船破檣壞者即不得抽解七年詔見任官以錢附綱首商旅過蕃買物者有罰舶至除抽解和買違法抑買者許蕃商越訴計贓罪之舊法細色綱龍腦珠之類每一綱五千兩其後犀象紫礦乳檀香之類為麤色每綱一萬斤凡起一綱遣衙前一名部送支脚乘贍家錢一百餘緡大觀以後張大其數象犀紫礦皆作細色起發以舊日一綱分為三十二綱多費脚乘贍家錢三千餘貫至於乾道七年詔廣南起發麤色香藥貨物每綱二萬斤加耗六百斤依舊支破水脚錢一千六百六十二貫有奇淳熙二年戶部言福建廣南市舶司麤細貨並以五萬斤為一全綱南渡三路船司歲入固不少然金銀銅鐵海舶飛運所失良多而銅錢之泄尤甚法禁雖嚴姦巧愈

密商人貪利而貿遷酷吏受賕而縱釋其弊卒不可禁宋史食貨志

淳熙九年九月乙未禁蕃船販易金銀著為令宋史孝宗本紀
 端平元年六月癸巳禁毀銅錢作器用併貿易下海宋史理宗本紀

至元十五年八月辛未詔行中書省唆都蒲壽康等曰諸蕃國列居東海島嶼者皆有慕義之心可因蕃船諸人宣布朕意誠能來朝者朕將寵禮之其往來互市各從所欲元史世祖本紀
 二十三年立鹽課市舶提舉司隸廣東宣慰司三十年立海南博易提舉司至大四年罷之禁下蕃船隻延祐元年弛其禁改立泉州廣東慶元三處市舶提舉司每司提舉二員從五品同提舉二員從六品副提舉二員從七品知事一員元史百官

二十五年禁廣州官民毋得運米至占城諸國出糶元史食貨志

二十九年命市舶驗貨抽分中書省定抽分之數及漏稅之法賣者細色於二十五分之中取一麤色於三十分之中取一

免其輸稅其就市舶司買者止於買處收稅而不再抽漏船貨物依例斷沒三十年又定市舶抽分雜禁凡二十一條不能盡載同上

元貞二年八月丁酉禁船商無得以金銀過海諸使海外國者不得為商

元史成宗本紀

至大二年罷行泉府院以市舶提舉司隸行省四年又罷之延祐元年復立市舶提舉司仍禁人下蕃官自發船貿易回帆之日細物十分抽二麤物十五分抽二七年以下蕃之人將

細絲銀易於外國人並提舉司罷之至治二年復立泉州慶元廣東三處提舉司申嚴市舶之禁三年聽商貿易歸征其

稅泰定元年諸海舶至者止令行省抽分元史食貨志

延祐七年五月辛卯遣使權廣東蕃貨元史英宗本紀

市舶司洪武初設於太倉黃渡尋罷復設於甯波泉州廣州廣

州通占城暹羅西洋諸國皆恭順任其時至入貢後市舶司

暫罷輒復嚴禁瀕海居民及守備將卒私通海外諸國永樂

初西洋刺泥國回回哈只馬哈沒奇等來朝附載胡椒與民互市有司請征其稅不聽三年以諸蕃貢使益多乃置驛於

福建浙江廣東三市舶司以館之廣東曰懷遠明史食貨志嘉靖元年給事中夏言上言倭禍起於市舶禮部遂請罷市舶

而不知所當罷者市舶太監非市舶也夷中百貨皆中國不可缺者夷必欲售中國必欲得之以故祖宗雖絕日本而三舶市司不廢蓋東夷有馬市西夷有茶市江南海夷有市舶所以通華夷之情遷有無之貨收征税之利減戍守之費又以禁海賈抑奸商使利權在上罷市舶而利取在下奸豪外交內訶海上無安日矣明彙典

嘉靖三十二年番舶趨濠鏡者言舟觸風濤漬濕貢物願暫借晾曬海道副使汪柏許之歲輸租銀五百兩後建屋居住今生齒日繁澳門記畧

嘉靖三十九年鳳陽巡撫唐順之議復三市舶司部議從之明志

隆慶中殷正茂總制兩廣欲聽民與番人互市且開海口諸

征其稅番禺知縣沈思考持不可明史沈思考傳

明初入貢海舟至有司封識俟奏報然後起運宣宗命至卽馳奏不待報隨送至京武帝時提舉司舶太監畢眞言舊制泛海諸船皆市舶司專理近領於鎮巡及三司官乞如舊便禮部議市舶職司進貢方物其泛海官商及風舶番船非敕旨所載例不當預中旨令如熊宣舊例行宣先任市舶太監也嘗以不預滿刺加諸國番船抽分奏請兼理爲禮部所劾而罷劉瑾私眞謬以爲例云明史食貨志

正德四年暹羅船有飄至廣東者市舶中官與守臣議稅其物供軍需事聞詔斥其妄攬事柄撤還南京嘉靖元年暹羅占城貨船至廣東市舶中官縱家人私市論死如律萬曆時紅毛番築土庫於大澗東佛郎機築於大澗西歲歲互市中國

商旅亦往來不絕同上

粵東考古輯要卷二十四

學制

宋

元豐元年詔諸路州府學官共五十三員廣南東路廣州一員

文獻通考

崇寧三年令自川廣福建入貢者給借職券同上

明

洪武二十八年奏准歲貢初試不中者遣復學停廩肄業生員、限次年再試兩廣四川限兩年再試復不中者照例充吏續通考

永樂二年令歲貢照洪武二十五年例廣東廣西限三月到部明王宏誨改海南兵備道為提學疏竊惟瓊州府所轄地方

爲州者三爲縣者十環海而周爲里者凡三千有奇青衿學子每歲集督學就試者不下數千計然遠涉鯨波之險督學憲臣常不一至每大比年惟駐節雷州行文弔考自瓊抵雷航海而北近者如瓊山定安文昌澄邁臨高會同樂會七縣或二三百里或四五百里遠者如儋崖萬三州陵水感恩昌化三縣多至七八百里或千餘里貧寒士子擔簦之苦已不待言乃其渡海率多蠶航賈舶帆檣不飾樓櫓不堅卒遇風濤全舟而沒者往往有之至於督學憲臣多不知其苦祇執常格嚴程限試諸儒生迫於期會不憚危險所傷甚多如嘉靖三十六年覆沒者數百人臨高知縣楊址與焉並失縣印可爲往鑿間有一二提學能體恤亦不過行文該府截考甚如隆慶三年恩貢例惟瓊山定安澄邁會同等三四縣考餘各州縣以一時遠不及試竟置不錄海南道額設有兵備副使一員駐劄本府改海南兵備道兼管提學道換給敕命每遇員缺必選科甲之有學行者充之其瓊州一帶師儒考試巡察任其便宜行事

廣東考古輯要卷二十五

選舉

漢

廣州先賢傳和帝時策問陰陽不和方正鬱林養奮對五行志

唐

唐時制舉科目猥多徒異其名耳其實與諸科等也張九齡以道侔伊呂策高第以登科記及會要考之蓋先天元年九月明皇初即位宣勞使所舉諸科九人經邦治國材可經邦才堪刺史賢良方正與此科各一人藻思精華興化愛俗科各二人九齡於神龍二年中材可經邦科本傳不書計亦此類耳洪邁容齋隨筆

武宗會昌五年舉格節文嶺南安南邕容等道所選進士不得

鳳皇志已車要卷二十五
過七人明經不得過十八通考

宋

天聖中置書判拔萃科應選人除流外人如實有才業者不犯
賊罪及私罪情理輕者並於逐處及南曹投狀乞應先錄判
詞三十首為三卷於流內銓或附遞投納本銓差官看詳詞
理優長者召試判十道共限二千字以上合格即就御試余
靖應中書判拔萃科五海

理宗寶慶三年以廣南東西路通判幕職教授等官法未嘗許
辟者須於各官將滿之前具闕如未有代者即聽申部出闕
滿三月無人注擬申省下本路通判已下京官闕從諸司奏
辟選人闕從漕司定差作邑未滿三年作倅未滿二考不許
預期奏辟也闕諸司屬官不許輕自辟置或久闕正官許令

次官暫攝待朝命方許奏辟同上

鴻祐十二年廣南西路言所部二十五部科選於春官者僅一

二蓋山林質樸不能與中土士子同工請援兩淮荆襄例別
考朝廷從其請自是廣南分東西兩路宋史選舉志

二廣試場有三曰科舉曰銓試曰攝試今銓試廢矣惟攝試科
舉而已嶺外科舉尤重於中州蓋有攝官一門存焉周去非嶺外代答

二廣兩得解士人許赴漕司試攝以闕員為額綴名者漕司給
公據服緣參南選出而蒞民矣今律所謂假版官是也攝官
有三等一待次攝官二正額攝官三解發攝官待次歷兩任
無過漕司再任公據印紙為正額又兩任無過漕司解發吏
部補迪功郎自是通行仕路矣當其未補真命也歷任中有

凡身未正... 卷二十一
二
犯贓私該徒流罪猶加真刑逮入階官乃作經任人注擬佳
闕六考以舉狀改官夫二廣士子少年得舉即可補攝數年
而受真命見次厚賞資歷易深陞改甚捷有官至正郎任數
子者大率以荒僻海邦監當簿尉令存留為攝官闕吏部又
收其闕之稍厚者以注命官始以五十員為額今減為三十
員無復往時之速化矣二廣士夫苟能克己自奮又何藉於
假版聞昔有賀州楊攝官者始參南選隨例見於銓吏吏不
加禮楊怒放手版擊吏取綠衣攝帖焚之而去次年乃登科
所在稱職使攝官者如之奚患二廣風俗之不振同
元

天下選合格者三百人赴會試於內取中選者一百人內蒙古
色目漢人南人分卷考試各二十五人蒙古人取合格者七

十五人江西三人湖廣三人色目人取合格者七十五人湖
廣七人江西六人南人取合格者七十五人湖廣一十八人
江西二十二人案元時廣東隸江西行省及湖廣行省故節錄之

明

洪武三年詔始特設科舉於是京師行省各舉鄉試貢額廣東
二十五人明史選舉人

仁宗洪熙元年定取士額數廣東四十名景皇帝景泰元年令
不拘額數四年復定取士額廣東增二十五名續通考

廣東攷古輯要卷二十七

祀典

秦

始皇三十七年上會稽祭大禹望於南海

史記秦始
皇本紀

隋

開皇十四年閏十月詔東海於會稽縣界南海於南海鎮並近

海立祠及四瀆吳山並取側近巫一人知灑掃並命多樹松

柏隋書禮
儀志

祭南海於廣州界籩豆各十簠簋各二通典

唐

武德貞觀之制五嶽四鎮四海年別一祭各以五郊迎氣日祭
之南海祭於廣州其牲用太牢祀官以當界都督刺史充文獻

通考

開元禮諸嶽鎮海瀆每年一祭前祭五日諸祭官各散齋三日致齋二日前一日嶽令瀆令清掃內外為埒於壇王地海瀆則埒內為壇高丈四尺皆為陛

大寶十載封南海為廣利王俱同上 按全唐文內有册祭廣利王紀

元宗朝令太常少卿張九齡祭南嶽及南海唐元宗紀

南漢

乾亨元年封峻靈山為峻靈王儋州昌化縣山為鎮海廣德王

十國春秋南漢太祖本紀

宋

開寶五年詔自令嶽瀆並東海南海廟各以本縣令兼廟令職

兼廟丞專掌祀事文獻通考

仁宗康定元年詔封南海為洪聖廣利王皇祐五年以儂智高

遁益封南海洪聖廣利招順王按文獻通考作康定二年儂智高反加封招順王杜佑通

典作慶曆二年

熙寧九年正月庚辰遣使祭南嶽南海告以南伐宋史神宗本紀

秘書監李至言按五郊迎氣之日皆祭逐方嶽鎮海瀆自兵亂

後有不在封域者遂闕其祭國家克復四方間雖奉詔特祭

未著常祀望遵舊禮就迎氣日各祭於所隸之州長吏以次

為獻官其後立夏日祀南海於廣州宋史禮志

廣南平遣司農少卿李繼芳祭南海除去劉鋹所封偽號及官

名易以一品服同上

元祐三年廣南經畧司言儂寇之亂康州趙師旦封州曹觀邕

州蘇緘戰死請為立祠載祀典從之文獻通考

祀典

元祐七年詔賜唐韓愈潮州廟為昌黎伯

政和三年諸嶽鎮海瀆年別一祭以祭五帝日祭之南海於廣

州界

政和三年賜連州漢伏波將軍路博德廟為忠勇

乾道五年太常少卿林栗言自度江以後惟南海廣利王廟歲

降御書祝文令廣州行禮並紹興七年加封至八字王爵俱同

元

至元二十八年二月封南海神為廣利靈孚王閩復加封五嶽四瀆四海詔

明

洪武元年七月南海賊馮簡等作亂邑人關敏倡義擊賊死之

上以敏生未授官而能仗義討賊沒於王事特贈敦武校尉

兵馬司副指揮表其鄉曰忠義立祠祀之明典

洪武三年六月定嶽鎮海瀆諸神號詔稱南海為南海之神

洪武二十一年正月韶州知府王世安奏請修唐賢相張九齡

宋名臣余靖祠從之俱同上

憲宗祀崖山祀張世傑陸秀夫明史禮志

成化二十年命有司歲祭廣東巡撫都御史楊信民明典

宏治十三年八月廣東僉事徐紘奏乞祀宋楊太后於大忠祠從之

正德十年二月廣東巡按御史高公韶言韶州故有唐相張九

齡祠景泰中用給事中白瑩言以唐韶州刺史鄧文進宋邕

州推官譚必國朝永豐令鄧禹俱附祠配享竊考九齡子拯

為伊闕令時安祿山陷河雒拯不受偽官忠義著聞而獨見

遺似為缺典禮部議覆詔曰如丞可謂不愧其父其令從祀俱同上

萬曆十二年以陳獻章胡居仁王守仁從祀明史禮志

廣東考古輯要卷二十七

土貢

漢

南粵王趙佗獻白璧一雙翠鳥千犀角十紫貝五百桂蠹一器

生翠四十雙孔雀二雙漢書南粵王傳

舊南海獻龍眼荔支十里一置五里一候奔騰阻險死者繼路

臨武長唐羗上書陳狀遂省焉後漢書和帝紀

順帝永建四年詔曰海內頗有災異朝廷修政太官減膳珍玩

不御而桂陽太守文囂不惟竭忠宣暢本朝而遠獻大珠以

求幸媚合封還之後漢書順帝紀

宋

武帝清簡寡欲廣州嘗獻入筒細布一端八丈帝惡其精麗勞

人即付有司彈太守以布還之並制嶺南禁作此布南史宋武帝紀

唐

諸郡每年常貢

銀石	南海郡	今廣州	沉香	二十斤	生沉香	五十斤	石斛	二十斤	鐘乳	二十斤	竹	二十四斤
水馬	南海郡	今廣州	沉香	二十斤	生沉香	五十斤	石斛	二十斤	鐘乳	二十斤	竹	二十四斤
十斤	蛇膽	五枚	始興郡	今韶州	鐘乳	二十斤	竹	二十四斤	新			
五斤	連山郡	今連州	鐘乳	十兩	高要郡	今端州	銀					
興郡	今新州	蕉布	五十疋	南潘郡	今潘州	銀						
十高涼郡	今高州	蛇膽	二十枚	海康郡	今雷州	絲						
州	銀	十斤	南陵郡	今春州	石斛	十斤	招義郡	今羅州				
開陽郡	今瀧州	石斛	三	合浦郡	今廉州	銀	二十兩	玉山郡	今陸州			
二具	壁皮	六十斤	翠	同陵郡	今勤州	石斛	二十兩	海豐				
毛三百	合	甲香	二斤	同陵郡	今勤州	石斛	二十兩	海豐				
郡	今循州	蛇膽	三枚	煎	二兩	五色						
藤鏡匣	二具	鮫魚皮	三	筌臺	一							

恩平郡今恩州 朱崖郡今崖州 真珠二十兩 玳瑁萬安郡

今萬安州 延德郡今振州 藤盤 通考同

嶺南道厥貢金銀孔翠犀象綵藤竹布新唐書地理志

宋

中都督府廣州南海郡清軍節度使土貢 沉香三斤 詹神香十斤

皮一斤 龜殼水馬各二十枚 鼈 韶州始興郡土貢 鐘乳

十循州海豐郡土貢 籐盤一面 潮州潮陽郡土貢 鮫魚皮

張一斤 甲連州連山郡土貢 鐘乳一斤 封川臨封郡土貢 銀

兩端州高要郡土貢 石硯一十枚 新州新興郡土貢 銀

州晉康郡土貢 銀 南恩州恩平郡土貢 銀 梅州土貢 銀

兩正 布 南雄州土貢 絹 英州土貢 約 惠州土貢 甲香

箱一 化州陵水郡土貢 銀 高州高涼郡土貢 銀 雷州海

康郡土貢 欽州寧越郡土貢 高良薑二十枚 廉州合浦

郡土貢 瓊州瓊山郡土貢 銀一千兩 昌化軍土貢 銀一十

兩 萬安軍土貢 朱崖軍土貢 高以上王存元 豐九域志

同天節進奉廣南東路銀四千兩南郊進奉銀三千兩

元祐元年詔嶺南被邊勿封椿俱文獻通考

政和四年十二月己未詔廣南市舶司歲貢真珠犀角象齒宋史

徽宗本紀

七年置提舉御前人船所二廣市舶應奉南海椰實通考

建炎三年閏八月己亥減廣南歲上供銀三之一

紹興二十五年十二月丁酉禁閩浙川廣貢真珠文犀

二十六年閏十月丙午罷廉州貢珠縱蛋丁自便俱宋史高宗本紀

明

成化十四年八月廣東左參政彭韶疏言自古明王不寶遠物

廣東民力竭矣鎮守太監顧恆以進貢擾民彼以此事上為

恭不知凋傷國本遺害實大不報明典彙

東考古輯要卷二十八

兵制

秦

始皇三十三年發諸嘗逋亡人贅墻賈人略取陸梁地為桂林

象郡南海以適遣戍

史記秦本紀

三國吳

步騭為交州刺史延康元年權遣呂岱代騭騭將交州義士萬

人出長沙

三國吳志步騭傳按通考吳多舟師而兵有解煩

健兒武射之名

晉

太康元年既平吳詔悉去州郡兵郡置武吏百人小郡五十人

交州牧陶璜上言交廣東西數千里不賓屬者六萬餘戶至

於服從官役纔五千餘家二州唇齒唯兵是鎮又宜州諸夷
接據上流水陸俱通州兵未宜約損帝不聽文獻通考

唐

開元二十一年置嶺南五府經略使

理南海郡管兵萬五千綏
四百人輕稅當道自給

靜夷獠統經略軍

南海郡城內管
兵五千四百人

清海軍

恩平郡城內
管兵二千又有

經略守捉使三以防海寇

通典按通考唐初兵之戍
邊者大日軍小日守捉

寶曆二年春三月癸未嶺南節度使崔植奏廣潮封雷潘辯等

七州戍軍除折衝別將外並請停從之

廣州有府二日綏南番禺有經略軍屯門鎮兵始與郡東北有

安遠鎮兵欽州欽江東南有西零戍

新唐書
地理志

宋

開寶四年平廣南以其兵隸殿前司次等隸八作司闕則選廣

南諸州兵補之

宋史
兵志

大中祥符二年四月廣南東西路差殿直閣門祇候彭麟就桂

州與本路轉運使司勾抽諸州雜犯配揀選移配淮南州軍

牢城及本城有少壯堪披帶者即部送赴闕當議近上軍分

安排如不願量移及赴闕者亦聽

大中祥符五年詔廣南等七路諸州府軍監見管雜犯配隸軍

人等各差使臣一人馳驛往逐處與轉運使副或提點臣僚

知州通判鈐轄都監監押同共簡選就近體量人數分配側

近州軍本城收管

天禧間廣南東西有槍手土丁壯丁

景祐三年詔廣南民家毋得置博刀犯者並鍛人並以私有禁

兵律論先是嶺南為盜者多持博刀杖罪輕不能禁轉運使

廣南各州軍監

兵制

以為言故著是令俱同上

慶曆二年九月壬子置廣東海軍兩指揮玉海

慶曆中招收廣南巡海水軍忠敢澄海雖日廂軍皆予旗鼓訓

練備戰守之役同上

慶曆六年春正月戊申徙廣南戍兵善地以避瘴毒宋史仁宗本紀

皇祐中宣毅寢廢不復補而荆湖廣南益募雄略宋史兵志

皇祐五年詔廣南捕蠻諸軍歲滿歸營人賜錢二千月增俸錢

二百度嶺陣亡及瘴癘物故者子孫或弟姪不以等樣收一

人隸本營者支衣廩之半同上

嘉祐二年戊嶺南者增月俸自川廣戍還者別予裝錢川廣遞

鋪卒或給時服錢屨文獻通考

治平二年詔廣南教閱忠敢澄海一營者即本營遞遷兩營已

上者營三百人補五人二百人至三百人補三人二百人以

下補二人百人以下補一人止於副指揮使凡遞遷滿三歲

五階闕二三階闕一即補宋史兵志

有馬雄略廣桂邕各一至和二年置熙寧三年詔廣桂邕有馬

雄略闕勿補

熙寧三年詔諸路轉運司以州大小高下為序始自某州為第

一指揮差次至某州凡為若干指揮每指揮毋過五百人廣

南曰清化

熙寧三年十二月樞密使文彥博等上在京開封府界及京東

等路禁軍數帝亦參治平中兵數而討論焉遂詔廣東西千

二百人為額

熙寧初王安石變募兵而為保甲川廣並邊者可肄武事豈欽

洞丁廣東槍手改爲保甲者肆焉

熙寧四年詔廣東福建江西選本路配軍壯勇者合取募兵萬人以備征戍

熙寧四年三月詔廣東路選雜犯配軍丁壯每五百人爲一指揮屯廣州號新澄海如廣西之制

熙寧七年十月中書條例司乞五路弓箭手砦戶除防穢巡警及緩急事許差發外若修城諸役卽申經略安撫鈐轄司其有擅差發及科配和顧者並科違制之罪從之廣南槍手土丁峒丁依此法

熙寧九年詔京東增置武衛軍以三千人散戍東南嶺外惟廣南雄州常有戍兵千人

廣南東路槍手嘉祐六年廣惠海潮循五州以戶籍置三等以

上免身役四等以下免戶役歲以十月一日集縣閱教治平元年詔所在遣官按閱一月罷有闕卽招補不足選本鄉有武技者充熙寧元年詔廣州槍手十之三教弓弩手是歲會六郡槍手爲指揮四十一總一萬四千七百有奇三年知廣州王靖言東路槍手自至和初立爲土丁之額農隙肄業一月乃古者寓兵於農之策也然訓練獎勵之制未備請比三路義勇軍政教法條上約束四年知封州鄧中立請以本路未置槍手州縣如廣惠等五郡例置奏可六年廣東駐泊楊從先言本路槍手萬四千今爲保甲兩丁取一得丁二十五萬三丁取一得丁十三萬以少計之猶十倍於槍手願委路分都監二員分提舉教閱詔司農寺定法以聞其後戶四等以下有三丁者以一爲之每百人爲一都一都之下爲一指

廣南志卷之二十八
四
揮自十一月至二月月輪一番閱習凡三日一試擇其技優者先遣之七年詔廣南東西路舊槍手士丁戶依河北陝西義勇法三丁選一餘州無槍手士丁者勿置九年兵部言廣惠循潮南恩五郡槍手請籍主戶第以上壯丁毋過舊額一萬四千餘以爲保甲奏可元豐二年詔廣惠潮封康端南恩七州皆並邊外接蠻徼宜依西路保甲教習武藝

元豐四年詔團練東南路諸軍共十三將廣南東路爲第十一邕欽溪峒壯丁治平二年籍捕校長給以旗號峒以三十人爲一甲置節級五甲置都頭十甲置指揮使五十甲置都指揮使各置戎械遇有寇警召集之熙寧十年樞密院請委經略司提舉同巡檢總洫訓練之事歲終上藝第爲三第軍勳武藝出眾爲上蠲其徭役人材矯捷爲中蠲其科配餘爲下盜

發則酋長相報率族眾以捍盜十二月詔邕欽丁壯自備戎械貧者假以官錢金鼓旗幟官給間歲大閱畢則歛藏之元豐二年廣西經略使言團結邕欽洞丁爲指揮一百七十五籍武藝上一萬三千六百七人詔下諸臣獻議增置都巡檢使兩員分提舉又增首領丁壯歲閱之以武藝絕倫者聞量材補授詔增都巡檢使二員餘下鱉本擇其可者施行之五年詔廣南保甲如戎瀘故事自置裏頭無乃槍竹標排木弓刀蒿矢等習武技遇捕盜則官給器械

元祐元年十月樞密院言東南一十三將廣南東西兩路駐劄三將祇充本路守禦差使虔州第六將準備廣南東路緩急勾抽策應並不差戍他路十二月廣西經略安撫使都鈐轄司言欽廉州馬步軍輪差赴邕州極邊水土惡弱並乞依邕

州條例一年一替

崇寧四年詔廣南瘴癘之鄉東西雖殊氣候無異西路戍兵二年一代而東路獨限三年代不如期其東路亦令二年一替前期半年差人如違以違制論

宣和七年三月詔廣南東西路地遠山險盜賊間有竊發內郡

戍兵往彼屯守多緣瘴癘疾病不任捕盜又不諳知山川道

里林壑曲折故盜不能禁可令每巡檢下招置土人健勇輕

捷者參戍兵之半俱同上

建炎元年六月己亥同知密院汪伯彥請兩河京東西增置射

士縣五百人置武尉掌之縣令領其事凡四縣置二將十二

月乙酉增二廣玉海

建炎三年六月乙巳詔江西閩廣荆湖諸路團教峒丁槍杖丁

宋史高宗本紀

紹興元年廣東帥臣言本路將兵元五千一百見千二百十九

今擬將官駐劄諸軍泊本路州軍以十分為率各招其半同上

紹興五年四月戊午詔廣東帥臣措置團結瀕海居民為社玉海

隆興四年樞密院言潮州守臣傅自修欲於本軍禁軍闕額人

數內撥三指揮二百人專防海道以諳識水勢人充文獻通考

潮州水軍乾道四年置二百人廣東水軍乾道五年增置二千

乾道五年十一月庚申增置廣東水軍宋史兵志

紹熙二年三月丁卯增廣州摧鋒軍三百人宋史光宗本紀

咸淳末廣東籍蛋丁同上

建隆以來之制 水軍廣英封連康南雄春廉澄海韶循潮連梅南雄英

廉崖儋內廣廉高巡海水軍廣寧海瓊清化欽廉瓊儋本城

英新儋係教閣 兵制

馬軍廣東兩道巡海水軍教閱澄海原靜江廣南路廣韶循

封端新康春惠造船場廣駕綱水軍廣城面廣端惠循英春

化高雷欽廉瓊宋史兵志按熙寧以後之制大畧相同惟

戰棹欽運錫循增步宋一係內循封梅康南雄潮韶七州本城

增一梅州清化增一雷州亦見兵志

建炎後禁廂兵澄海廣循連南雄封英德南

建炎後鄉兵保丁二廣保丁每戶一名士丁父子兄弟皆在

建炎後峇兵欽州二峇西縣管界同上

曹克明奏以廣南兩路土軍並為忠敢東都事畧曹克明傳

西路之邕容各總節制與廣桂為五管東都事畧王拱辰傳

至元十七年七月廣州鎮戍士卒初以丞相伯彥等麾下合必

赤軍二千五百人從元帥張宏範征廣王因留戍焉歲久皆

貧困多死亡者至是命更代之元史兵志

至元二十年二月戊子定兩軍戍軍二三年一更廩其家屬軍

官給俸以贍之世祖本紀

至元二十四年十月江西行院月的迷失言廣東窮邊險遠江

西福建諸寇出沒之窟乞於江南諸省分軍一萬益臣詔江

西忽都鐵木兒以軍五千付之元世祖本紀

二十六年五月丙申詔季陽益都淄萊三萬戶軍久戍廣東疫

死者眾其合二年一更上同

元貞二年九月詔以兩廣海外四州城池戍兵歲一更代往來

勞苦給俸錢選良醫往治其疾病者命三二年一更代之元史

志兵

至元三十年召募民戶並發新附士卒於海南海北等處置立屯田成宗元貞元年以其地多瘴癘縱屯田軍二千人還各翼留二千人與召募之民屯種大德三年罷屯田萬戶府屯軍悉令還役止令民戶八千四百二十八戶屯田瓊州路五千一十一戶雷州路一千五百六十六戶高州路九百四十八戶化州路八百四十三戶廉州路六十戶

至順元年七月辛酉軍戍廣海者一歲更役往來勞苦詔仍至元舊制二歲一更文宗本紀

明

洪武八年改在外都衛為都指揮使司凡十三廣東明史兵志按明史太祖既定天下度要害地係一郡者設所連郡者設衛大率五千六百人為衛千一百二十人為千戶所百十有二人為百戶所所設總旗二小旗十大小聯比以成軍衛所之外郡縣有民壯邊郡有土兵粵東雜蠻番習長牌斫刀而新會東莞之產強半

洪武十五年三月命南雄侯趙庸籍廣州番戶萬人為水軍時番人附海島無定居或寇盜故籍而用之明典彙

成化十三年五月兩廣清軍御史邱山奏廣東如高雷廉瓊肇五府地僻民稀而廣西荒落殘破尤甚有司如例清軍解遠衛捕伍率多逃入賊中况今兩廣寇賊出沒缺軍調用乞將兩廣清出軍丁發附近衛所差操仍行原衛停勾為便兵部覆奏從之

廣東巡檢何儒常招降佛郎機國番人因得其蜈蚣船銃等法以功陞上元主簿中國之有佛郎機諸火器自儒始俱同上案嘉靖八年始從右都御史汪鋐言造佛郎機礮謂之大將軍發諸邊鎮佛郎機者國名也正德末其國船至廣東白沙巡檢何儒得其制以銅為之長五六尺大者重千餘斤小者

百五十斤巨腹長頸腹有修孔以子銃五枚貯藥置腹中發
及百餘丈最利水戰駕以蜈蚣船所擊輒糜碎二十五年總
督軍務翁萬達奏所造火器兵部試之言三出連珠百出先
鋒鐵棒雷飛俱便用母子火獸布地雷礮止可夜劫營御史
張鐸亦進十眼銅礮大彈發及七百步小彈百步四眼鐵槍
彈四百步詔工部造萬厯中通判華光大奏其父所製神異
火器命下兵部其後大西洋船至復得巨礮曰紅夷長二丈
餘重者至三千斤能洞裂石城震數十里天啟中錫以大將
軍號遣官祀之崇禎時大學士徐光啟請命西洋人製造發
各鎮

虎頭門既城石旗麓聚兵一千八百八十八人領於副總兵官
而偏師亦往往守港口歸龍虎頭門記

明海瑞區處兵後地方以絕後患疏

竊見瓊州一府顛顛獨居海中其地綿亘二千餘里黎岐中
盤州縣濱海旋於外譬之人黎岐心腹州縣四肢黎岐為寇
是心腹之疾也心腹之疾不除將必浸淫四潰而為四肢之
患州縣無久安之理古先王之治夷狄寇亂征討去不窮追
蓋施之要荒之外與吾中國有所限隔之地若瓊則內之黎
岐與外州縣百姓雞犬相聞魚鹽米貨相通其間雖多峻嶺
叢林彼之出入往來自由坦夷道路自國初以至今日除戍
守軍民兵截殺並整飭兵備道督兵雕勦不計外兩廣巡撫
都御史上請宏治十四年征儋州昌化縣黎嘉靖二十年征
陵水縣崖州黎嘉靖二十九年征感恩縣崖州黎凡三大舉
矣每舉調兩廣官兵十餘萬費銀數十萬兩前後屯兵防守

騷害居民或三年或四年而後止然竟不能使黎寇誓服迄今劫殺村人無歲月無有臣生長於瓊既聞黎患痛瓊民歲月罹害虛費陛下兵糧迄無一臣爲地方長久計以紓陛下南顧之憂者請爲陛下言之夫瓊地瓊山縣處其北崖州處其南萬州處其東昌化縣處其西自瓊山縣轉西歷澄邁縣臨高縣儋州昌化縣感恩縣至崖州計程一千一百里自崖州轉東歷陵水縣萬州樂會縣會同縣文昌縣復之瓊山縣計程九百四十里是瓊州府自南徂北自東徂西以圍三徑一計之大約七百里程也臣嘗博訪附黎居慣行黎村人民近日大征踏路官兵皆稱自崖州羅活洞抵瓊山縣大坡頭營三日可至是黎岐盤居地不過方四百里而已區區方四百里地自國初以至今日殘害國家赤子若此之毒而無已

調用國家官兵若此之眾費用國家錢糧若此之多兩廣有巡撫都御史總其權瓊州有兵備副使專其事嘉靖十九年以來又有守備參將之設迄不能一施剿撫安輯吾民何故武臣憚難畏寇文臣養望待遷圖目前苟安不爲地方永久謀慮黎小寇害則隱匿不申講大寇害調兵又苟且奏功姑以應事塞責瓊郡誌書歷載識者開道立邑之議又載宏治十四年大征議及此而未行爲深憾彼非不明知之也而莫或行焉間有志立功業者亦慮掣肘難行邀功起釁之說禍隨可懼欲舉而止無一人竭材力盡忠實心爲瓊遠計爲陛下擔當事者黎寇稔知之習竊卑笑之是以大兵一退卽旋轉耕其田處其地數年生長積聚仍前爲州縣寇害不少衰止若使兵威震疊不日此亦可以奏功蒙顯賞擢從而計長

久開通十字道路設縣所城池中崎參將府兵備道則立犄角之勢成蠶食之勢矣日磨月化今日甯復有黎乎夫得黎無益於地方處黎或劇於計畫謂不足州縣置之可也黎人居處皆寬廣峒場耕作皆膏腴田地非得地不可耕而食文昌縣斬脚峒等黎瓊山縣南岐峒等黎今卽輸賦聽役與吾治地百姓無異儋州七方峒今亦習書句能正語以此例之非得人不可畜而使黎固方四百里地也凡我兵征討無一次不擣巢穴無一次不收成功時異事殊則又不可以危叢險阻如賈捐之霧露氣濕多毒草蟲蛇水土之害久未見虜戰士自死請罷疏所稱視之故臣嘗以爲宏治十四年開道立縣可無嘉靖二十年大征嘉靖二十年開道立縣可無二十九年大征後開道立縣可無歲歲鵬剿年年守戍諉之曰

地土險惡勞師無功藉口聖王不治夷狄之說者皆庸人苟祿偷安不肯身爲地方當事託詞也往不可諫矣今距大征僅三歲兵威之震懾於黎人尚存遺黎之生聚猶寡開道立縣今日可及爲也不然數年後必一大變一大變必用兵十餘萬必費銀數十萬兩必殘破地方必毒痛赤子功虧一簣坐失事機陛下將奚取哉臣雖未嘗手操矢刃地方變故區處事宜則習聞之矣倘得專任其事馳驅兵革之間俾黎土盡爲治黎岐動變盡爲良民臣亦能之如不效請甘服上刑以謝欺罔虛費兵糧之罪第臣平昔濡染翰墨之人一旦言及軍旅似可駭聽夫瓊固有兵備副使之設矣於此不爲是謂虛位伏乞陛下明敕羣臣中知識事機力可大任不貪富貴志在立功者以之充兵備副使以專治黎之任瓊去京師

萬里當事請裁或致遲誤設縣立所限其大概乘機審勢聽其便宜凡一切招民置軍設里建學遷創縣所屯田巡司驛途諸事宜許撫按臣等從中節制年年借用許其調廣西土兵廣東漢達官軍打手約四千人值變故許其調用約萬人量撥一次大征錢糧之半以充其費陛下三年考其成立之功七年稽其變化之效彼得專用之柄寬其行事而又功少不完不遷其官事少不效必重其罪欲不盡心力而爲之不可得也永絕禍根遺安萬代省國家無己之費紓陛下拊髀之憂可計日見矣經略瓊州計無有過於此者諸臣無有一爲陛下言之者一爲陛下任之臣每痛之伏望皇上採納臣言敕兵部咨行兩廣撫鎮衙門會同巡按守巡等官從長計處如果臣言不謬速賜舉行則地方幸甚生靈幸甚

文海

廣東攷古輯要卷二十九

馬政

宋

建炎末廣州例以五十疋爲一綱每年綱許推賞然吏爲姦博馬銀多難以銅每兩銀一兩爲握臂釧撲鹽百斤爲一畚股減至六十所贏皆官吏共盜之蠻覺知不肯以良馬來所市率多老病駑下且不能登數帥范大成善爲約束增足鹽畚逮及去官之歲市馬乃六十綱前此未有也嶺南自產小駟疋值十餘千與淮湖所出無異大理地連西戎故多馬雖互市於廣南其實猶西馬也每選其良者赴三衙而其他則付建康鎮江府池鄂大平州軍中皆有常數

文獻通考

紹興二年初命廣西經畧司卽韶州撥內帑錢三十萬緡市戰

馬於是神武諸軍皆缺馬王

七月癸亥敕令廣西經畧司以鹽博馬其後歲撥欽州鹽二百萬斤與之續通考

淳熙二年秋占城國主遣瓊州守臣書遣六百人海舟三十艘

至海南買馬上命帥臣張敬夫作書諭以中國馬未嘗出外

夷乃去朝野雜記

元

大德七年六月丁丑御史臺言湖南輸糧百石者出驛馬一疋

廣海地狹所輸不及百石者所出亦如之成宗本紀

明

洪武十三年令廣東廣西福建江西浙江布政司馬草不許科

牧馬料不許支給續通考

廣東考古輯要卷三十

海防 增兵船潮汐



海環廣東南界倚為險固然攻守之計亦莫切於海晉義熙七
年劉裕與盧循相持於豫章而遣別將孫處等由海道徑至
廣州傾其巢穴循以敗亡唐乾元初廣州奏大食波斯圍州
城掠倉庫焚廬舍浮海而去咸通二年安南陷南越詔諸道
兵赴援皆屯聚嶺南用潤州人陳磻石議自福建運米泛海
至廣州軍食始足宋末車駕自閩入越既而蒙古將張宏範
將兵由潮陽入海追宋少帝於厓山宋亡國初命廖永忠由
福州海道取廣東永忠奄至東莞何真迎降而廣州亦下洪
武永樂間倭夷入犯廣東屢被抄擾嘉靖中倭寇閩折滋蔓
亦及於廣東議者謂廣東海防當分三路三路者左為惠潮

右爲高廉而廣州爲中惠潮二郡皆與福建接壤而潮猶當其衝柘林南澳皆要區也由柘林而西爲大城海門靖海蓬洲諸所又西接甲子門碣石平海諸衛所皆爲西南之庇倚柘林南澳失守是無潮也平海碣石失守是無惠也海防考惠潮之備以柘林爲最要柘林乃南澳海道之門戶據三路上游番舶自福建趨廣皆由此入澳去惠潮之水寨遠幾百里水寨爲惠潮之衛而柘林又爲水寨之衛慎固之防不可不豫而大城所聲援差近備尤不可或疏也若夫中路之備則在屯門雞栖佛堂門冷水角老萬山虎頭門等澳而南頭澳在虎頭門之東爲省會門戶海寇往往窺伺於此爲闌入之途則東莞大鵬之戍守宜切也又西則峽門望門大小橫琴山零丁洋仙女澳大竈山九星洋諸處而浪白澳在香山

澳之南爲番舶等處接濟之所則香山所之戍守宜切也又西爲厓門寨門海萬斛山砲州等處而笙洞澳在厓門西爲番舶停留避風之門戶則廣海衛及新寧海朗二所之治守宜切也若西路三郡去倭島似遠而安南占城暹羅滿刺諸番風帆易達高州之南神電衛所轄一帶海澳若蓮頭港汾州山兩家灘廣州灣皆府之南翰也雷州凸出海中三面受敵其遂溪湛川潭洲樂民等四十餘隘固爲門戶之險而海安海康黑石清道並徐聞錦囊諸隘亦所以合防海隘者也至於廉州之境猶爲全廣重險故兵符特劄於靈山達寶增屯於衛北海寇之警尙獠之擾外夷之侵有兼憂焉永樂七年倭嘗陷廉州則瓊州又廉之外戶也五指腹心盡爲黎據戶版城邑類皆海濱備倭之制若白沙石礮塔頭文昌與海安

海康對峙番島飄風突來防禦甚切此西路所當加意者也
又濱海諸邑為盜賊淵藪者如增城東莞茶滘十字滘番禺
之三漕波羅海南海之仰船崗茅滘順德之黃涌頭香山新
會之白水分水等處往往歲集兇徒以小艇出海珠禁弛則
糾黨盜珠嚴則誘倭行劫此又當計奸禁宄以消其萌矣
純要

宋乾道四年樞密院言潮州守臣傅自修欲於本軍禁軍闕額

人數內撥三指揮二百人專防海道以識水勢人充文獻通考

五年冬十一月庚申增置廣東水軍宋史考宗本紀

洪武十七年花茂上言廣東南邊大海奸宄出沒東莞筍岡諸
縣逋逃蠻戶附居海島遇官軍則詭稱捕魚遇番賊則同為
盜寇飄忽不常難於訊詰不若藉以為兵庶便約束又請設

沿海依山廣海碣石神電等二十四衛所築城浚池收集海

島隱料無籍等軍仍於山海要害地立堡屯軍以備不虞皆

報可明史花茂傳

成化中總督兩廣都御史韓雍初開督府於蒼梧立秋調發先
預備糧餉買料於南海縣僱匠造船五百艘所費不過二萬
每十艘外有一小哨船以便探邏駐劄蒼梧及番禺江上每
歲六月行令土官各定年分輪班領土兵大約四千七月初
齊集船中每船十人聽令調劑其餉給薪米之數登岸交易
之法約束周密凡山海寇盜倏忽掩其不備無不斂手就擒
此兩廣所以安也所得財物各令人已論功仍醴賞莫不踴
躍效命軍士惟令城守民船免於刷擄軍民稱便郭志

廣東東起潮州西盡瓊廉原設水寨以備防守在潮州則有柘

林寨在惠州則有碣石寨在廣州則有南頭寨在高肇則有恩陽寨在雷州則有白鶴門寨在瓊州則有白沙寨夫各府之封疆不同而各寨之廣狹亦異卽如南頭一寨東至大星西至廣海省城門戶所由繫焉原置寨船六十隻視諸寨獨爲加多加之誠是也本寨之船分爲汎地三哨一巡佛堂門一巡大星一巡廣海分之誠是也但廣州地方遼遠哨探未周如船在佛堂門則佛堂門有備矣設寇由雞公頭潛入新安縣恐佛堂門之兵未之知也船在大星則大星有備矣設寇由大鵬潛入大步屯恐大星之兵未之知也船在廣海則廣海有備矣設寇由十字門潛入香山由松柏門潛入新會恐廣海之兵未之知也南頭寨地方之曠遠類如此若柘林寨則東起柘林澳西至神前港其中大城蓬洲海門靖海諸

所在焉饒平澄海潮陽惠來諸縣在焉海之曠遠不減南頭而寇之淵藪獨倍他寨南澳向爲賊巢河渡門號爲賊窟乃若寨船止四十隻與他寨同焉豈知自柘林以至神前千有餘里皆其汎地哨船泊在柘林柘林以下皆寇之乘虛而入境者也哨船移泊神前則神前以上皆寇之乘間而竊發者也近設南澳兵船可謂據險扼要一定而不可易者而河渡門乃商船往來之衝寇之搶船掠人接濟聚黨皆在於此卽海寇林道乾回洋首泊其地安可置而不講也白沙寨則統轄瓊州四圍皆海周環數千里清瀾諸所屢被賊陷樂會諸縣曾遭寇殃賊眾我寡強弱不敵又安能不坐失事機哉兼以崖州陵水萬州樂會抵連外洋使哨船弛備海寇突至其何以禦之至於碣石寨則東起甲子西至平海所界在南頭

柘林二寨之間白鴿門恩陽二寨亦東連南頭南抵北沙寨此三寨地方稍狹策應有按雖各置船四十隻似難裁減而南頭柘林白沙三寨尚宜酌量海澳添造官船務足分布港門無至疎畧而河渡一港猶不可不增柘林之船以分布防禦者也寨船既增海澳鱗集卽有海寇無罅可入又奚自而劫掠哉至六寨汎地冬有港可以避風泊船但港門有淺深灣澳有險易港深而易泊者無論船隻大小皆可駐劄若港門淺狹則利小船而不利大船今六寨之中水深可泊者在南頭則有屯門佛堂門也在柘林則有東山下河渡門也在恩陽則有神電馬騮門也若白鴿門汎地惟北隘頭可以泊船其港亦淺兼以巡哨錦囊永安二所往來洋中俱有沙大船恐弗利也白沙寨汎地惟清欄可泊大船而白沙萬州諸

港俱淺鬼叫門亦有沙至碣石衛一寨殆又甚焉碣石汎地惟白沙湖頗可泊船然湖中泥爛湖尾淺狹僅可容十餘船耳若碣石衛則海口崆峒船易衝磕甲子門則港門甚淺船易涸頓一遇大風大船不能入港累被覆滅豈能遽爾造補今於碣石白沙白鴿門三寨須酌用三號四號之船遇颶可以入港灣泊其船常存則其威常振耳

明尹瑾
莞石集

賊至不能禦之於海則海岸之守爲緊關第一義賊新至饑疲巢穴未成繫之猶易延入內地縱盡殲之所損多矣然自來沿海戍守莫不擁城觀望幸賊空過謂可免罪而不顧內地之有警內地戍守亦幸賊所不到而不肯策應沿海今宜分定沿海保護內地內地策應沿海沿海力戰倘有所損宜坐內地不能策應之罪內地有警沿海幸完宜坐沿海縱賊之

罪又如同一樣沿海地方賊由此方登岸此方卻不擾累而擾累彼方賊由彼方登岸彼方卻不擾累而擾累此方自來唯坐地方擾累者之罪今宜并坐賊所從入其沿海文武將吏有能連次鏖戰抵遏賊鋒阻賊下船不得登岸深入者雖無首級以奇功論

唐荆州集

守禦之方防微為上所謂防微者亦申保甲之制而已今請鄉立一老自相管攝十家為甲百家為鄉出入互相覺知行檢互相糾察寇盜互相守望則沿海之民安能挺身潛跡獨出為非耶不幸有聚眾飄洋者制之有三要焉凡賊入俱由海港扼海港則入劫無路久自困矣復防奸民與通餽之粟米餽之酒肉餽之利器絕其內交久自困矣又扼沿海之山沿海山出泉流為溪澗水清可食賊飄據洋中水鹹澗以食則

瀉以頰則皮潰賊乏清水久自困矣此大略也

霍渭厓集

廣東瀕海之府入其六府分為三路東路惠潮接壤閩疆商船通番所必經也左挈惠潮右連高廉雷而為中路者廣州倭寇衝矣莫甚於東路而中路次之西路高雷廉又次之高廉雷西洋貢道之所從入也守廣者以三路為扼要自成宏後訖嘉靖初倭警寢息者五十餘年邊備廢弛衛所屯田並兼豪右軍戶亡耗不復勾補水寨移於海港墩堡棄為荆榛哨船毀壞不修而奸民逸囚漁人蠶戶咸伺隙思覓一旦蜂突四起武夫喪氣抱首鼠竄賊無亡矢折刃之屺蹂躪徧於江南城野蕭條白骨填路矣然後謀臣猛將分道出鎮增兵設屯人人扼腕而談戰守起壬子至癸亥首尾十餘年中國始得安息此浸失祖制之故也善乎總制胡宗憲之言曰夫謂

之海防者則必宜防之於海猶江防者必防之於江國初每衛各造大青及風尖八槳等船百餘隻更番出洋哨守海外諸島皆有烽壘可泊後弛其令列船港次每於風汎時協軍巡哨使不得越島深入則內地可以安堵總兵俞大猷亦請設樓船艙船數百隻分伏諸島往來巡探攻捕名之曰遊兵而遠遏之於大洋之外議者多是之或謂海棲經月必有颶風巉岬複礁廉厲倖劍戟不可下碇是邀擊海上之難也蓋海戰之變有四萬里風濤不可端倪白日陰霾咫尺難辨一也官有常汎使賊預知趨避二也孤懸島中難於聲援三也將士利於無人掩功諱敗四也自嘉靖己卯後禦洋之法立哨探嚴緊官得預備則藩籬之守其法終不可廢故必哨賊於遠洋而不常厥居擊賊於內洋而不使近岸斯策之最善

而當時之議亦卒未有能易此者也

港園文稿

明世海上之盜有二曰內寇曰外夷而其所以防之者亦有二曰勦曰撫夫明自中葉以來軍政廢弛內寇外夷猖獗恣睢蹂躪無虛日然其時如戚繼光俞大猷皆有將帥之材類能辨賊自趙文華倡為撫之一言於是以前爵祿啗內寇以金帛委外夷冀緩一日之戈矛少遂其全軀保妻子之至計而盜賊之受撫者飽則颺去饑則復來奸胥將領居賊為奇貨賊鋒壓境城守無人如嘉靖末年倭四劫得志其時奸胥與倭為鄉導將領與倭相勾連倭之去來動靜未有不先通於將者兵乘賊至則引下風以避之賊去則尾其後以送之抽矢扣輪以發虛聲遮襲商艇以當捕擊嗚呼防守如此尙可言哉然其先將固猶有殺賊自効者迨殺賊而得譴而後乃委

心於賊焉至於內寇若鄭芝龍輩以撫愚官今日撫明日叛
機變百端如鬼如蜮又芝龍以起家亡命驟膺顯仕諸賊見
其一旦富貴謂非賊無以博官於是李芝奇鍾斌劉香老之
徒接踵而興如海土風濤一波未平一波復起此不可留撫
之一字以為海上之傳燈王給事家彥所為發憤太息其言
之也南海志

南海之門最多從廣州而出者曰虎頭門最大小者曰虎跳曰
雞踏曰雞啼曰三門曰東洲此中路之海門也從東莞而出
者曰南亭從新安而出者曰小三門曰屯門曰急水曰中門
曰鯉魚曰雙筋曰南佛堂曰北佛堂從新寧而出者曰大金
曰小金曰塞門曰官門從惠來而出者曰甲子從潮陽而出
者曰河渡從澄海而出者曰水吼此東路之海門也從新會

而出者曰厓門曰沿拍從順德而出者曰黃楊從香山而出
者曰金星曰上十字曰下十字曰馬騮曰黃廉從吳川而出
者曰限門從海康而出者曰白鴿此西路之海門也凡三路
東起潮州西盡廉南盡瓊崖皆有水寨以守在潮者曰柘林
在惠曰碣石在廣曰南頭在高肇慶曰恩陽在雷曰白鴿在
瓊曰白沙凡六寨六寨之汎地其港深者在南頭有屯門佛
堂在柘林有東山下河渡在恩陽有神電馬騮在白鴿有北
隘頭可泊大船餘則港淺有暗沙在白沙有晴瀾可泊若白
沙與萬州其港亦淺鬼叫門亦有暗沙在碣石有白沙湖可
泊餘港多外淺內深難於出入碣石衛則海石嵯岬船易衝
磕甲子門其港亦淺蓋海防甚難一遇颶風船無灣泊之所
每多覆溺船少又難以戰守故必量各寨廣狹置船多為之

備粵東
筆記

東路諸郡海防

廣東列郡者十分為三路在東路為惠潮二郡與福建連壤漳
船通番之所必經議者謂潮為嶺東之巨鎮柘林南澳俱係
要區扼吭附背之防不可一日緩而靖海海門蓬州大城諸
所又皆跬步海濤所賴以近保三陽遠衛東嶺者也惠來海
豐東南濱海其捷勝平海甲子門皆係衝險然未知柘林為
猶要也柘林乃南澳海道門戶據三路之上游番舶自福趨
廣悉由此入且去水寨有一日之程柘林安則水寨安矣水
寨安則惠潮安矣是以東路尤宜以柘林為重其外碣石靖
海甲子門海澳雖視柘林稍次而舟師防禦各有汎地之責
可少懈乎志

每年東路備倭軍兵九月終旬退守水寨訪得此地實非賊行
緊關處所獨柘林瀕海最為沿邊要害之地漳州番舶北風
過洋必經此路水寨去此尚離一日之程彼處海賊出沒水
寨一時何知倘視我無備乘虛而入無柘林是無水寨矣破
竹順流之勢烏能禦耶今後東路軍兵九月無事掣班之時
定以柘林為堡阻其咽喉之路且附近大城所官軍互相哨
守庶可以保無虞仍行各備倭等官掣兵退守必須據險把
隘如柘林地方方許屯聚不得閃避空所縱賊馳驟恣暴殃
民時若一遇颶霧塵霾更宜加之巡緝投虛抵隙莫之救援
此兵家之所戒嚴不可忽焉者也明戴
據議
賊之所以橫行皆緣本處熟識為鄉導也夫漳人先以糴穀為
由而奸民因之為市其究也奸民賄結軍哨而卵翼之近年

海賊劫蕭廷昌據擒獲大半皆潮陽之士著可概矣愚見必
 做新建伯十家牌式凡澄海居民以十家為一牌一人為盜
 九家不舉者連坐庶為得之其隘口去處莫若如鄧海道建
 議於各隘居民令其自禦各村盜賊每歲量計兵器之費有
 功則將賊贓重賞之是亦村自為保人自為戰之意載志
 古有邊防而無海防海之有防自明始也沿海每衛各造大青
 及風尖八槳等船一百餘隻出海指揮統率官軍更悉出洋
 哨守海上諸島皆有烽墩可以停泊凡一切舟師皆統於各
 衛之指揮謂之衛總衛所之外無別兵千百戶指揮之外無
 別將嘉靖四十二年撫臣譚論總兵戚繼光題復舊制每寨
 設福哨烏槳號船四十餘隻屯大洋賊船必經之處其餘各
 寨附近緊要港澳則分哨以防內侵萬曆二十四年撫臣金

學會復請添設喻山海壇湄州浯嶼銅山懸鐘霜山臺山澎
 湖諸遊軍於一寨之中以一遊翼之錯綜迭出雖支洋窮澳
 無不搜焉因時揀弊非不足以壯國威而扞牧圉然而鄧茂
 七張璉許朝光吳平東倭蹂於中葉劉香鄭芝龍周三老李
 芝奇訖於末年終明之世漳潮無安堵寇亂較唐宋元為尤
 烈何也衛所世襲皆以開國靖難諸後裔為指揮千百戶承
 襲既久漸於文柔緩帶修容惡談兵革參將副總役占隱冒
 猝然有警觀望逗留留節使臨戎守令禦寇武夫健將拱聽指
 麾搖筆則經濟盈編事至則一籌莫展且失一軍與失機同
 則衛所之兵不敢用也減其數弁減其直則弓兵機兵不可
 問也在陸者借口守城在水者架言汎海彼此秦越不相為
 救則諸營各營之兵俱緩急無濟也官鑑民謠為破破明季霜降

耀兵衣甲皆碎時人則器械不利也官艦賊目為草棚
官艦為草棚謂衝之立散燎之即燼
則戰船不堅也蓋至啓禎而前世行陣備

禦之法蕩然無遺矣此漳潮之寇所以愈塞而愈潰旋撲而

旋熾也 國家創制顯庸一矯明室之弊以廣東福建為東

南要地水陸官兵倍於他省以提督總兵官統轄全省以各

鎮總兵官統轄各協營而各協副將亦自轄其所屬之營營

有參將有遊擊有都司有守備有千總有把總凡一遊或參

都一守二千總四把總約至守兵千人而合為一營兵制之

善蓋從古所未有也南澳志

潮郡東南皆海也左控閩漳右臨惠廣壯全潮之形勢為兩省

之屏藩浩浩乎大觀也哉春夏之交南風盛發揚帆北上經

閩省出烽火流江翱翔乎孟波上海然後窮盡山花島過黑

水大洋遊奕登萊關東天津間不過旬有五日月秋冬以後

北風勁烈順流南下碣石大鵬香山匡山高雷瓊崖三日可

歷遍也外則占城暹羅一葦可杭噶囉吧呂宋琉球如在几

席東洋日本不難扼其吭而擣其穴也茫茫大海無樊籬之

限守之有道則萬里之金湯防之偶疏亦眾敵之門戶膺斯

任者難矣全潮海疆不過五百里上自南澳下迄甲子門中

間島嶼澳港歷歷可數柘林大城所居南澳上游有雞母澳

後澳虎嶼獅嶼紅螺雞冠西澳諸山及橫山青山鹽漏上里

諸礮臺與閩之銅山懸鐘接界明人防海知設水寨於柘林

而不知南澳之不可棄遷其民而墟其地遂使倭奴紅彝盤

踞猖獗吳平林鳳林道乾許朝光曾一本先後盜兵邊民塗

炭萬歷年間始設副總兵守之 國家鎮以元戎遊魂永靖

蓋閩廣上下要衝阨塞險阻外洋番船必經之途內洋盜賊必爭之地也南澳四面大洋周迴三百里分隆深雲青四澳雲青屬閩詔安治之隆深屬粵饒平治之左右兩營分守各疆亦以福廣名青澳在東濤流險要無泊舟善地雲澳在南近岸皆沙水淺風飛巨艦亦難停頓是以左營舟師必分深澳駐泊以深澳鎮城所在元戎旌節之區也深澳面北半倚山阿外險內寬千舟可聚若北風狂發則不如隆澳之安隆澳在西南南颺驟起則又宜於深澳深澳之口爲青嶼爲蠟嶼青嶼石峰奇礪有海濶天空四字古蹟蠟嶼礮臺有兵防守與長山尾汎皆捍門要地也黃岡之南爲大澳爲獅頭爲鴻門爲信洲爲柏州爲井州南澳西北四十里爲海山海山雙峙汪洋中與南澳黃岡相犄角澳南防汎爲東石溪北防

汎爲浮磧各港洋面鎖鑰固焉下此爲侍郎嶼爲三嶼爲五嶼水際卷石嵒然小星賊艘偶衝亦有不攻自破之妙澄海洋中爲大萊蕪小萊蕪爲放雞山放雞屬潮陽境澄海協弁兵守之過此爲達濠亦在海中潮陽東方之保障也自明以來屢爲寇壘許棟張禮邱輝憑陵肆毒而輝殺掠無已慘酷最甚康熙二十年設副將兩營屯劄今改專汎守備城池戰艦屹然稱雄藩內則磊口河渡分南北兩門外則放雞蓮澳廣澳礮臺羅列其誰敢撻之下此爲東嶼爲西嶼西過龍潭鼻爲錢澳礮臺則海門營出口之要害也海門城據山臨海有水師叅將駐劄猷灣河背兩岸礮臺皆在城下爲潮陽東南保障出口迤西爲靖海所靖海有城有礮臺屬惠來境海門守備分守之靖海而南以石牌澳爲要害賊舟屢泊登岸

剽掠赤山鉛錫石井諸澳皆苦海氛而神泉爲尤甚神泉登岸十五里則爲惠來縣南門上下舟航皆入此港爲惠邑第一要害築城港口駐劄防兵左右礮臺威武震疊華清甲子作我屏翰而海濱有長城之勢矣甲子爲惠潮樞軸有碣石水師專守不容越俎代謀潮屬海面如此而已港澳雖多沙礁暗阻風濤不測舸艦輒碎非熟諳港道者弗敢輕入商艘往來不過旗嶺汕頭神前甲子他皆非所戀也奸宄潛浮雖不擇地亦在附近島澳可以泊舟之所不能日夜飄颻外洋且其意在劫船遠出安用必有堰澳可以棲身乃能窺伺商船之往來必待風和浪靜乃敢駕駛出洋以行劫好生惡死盜賊所同豈日不如官兵之甚乎官兵巡哨但出稍遠略觀港口島澳雖有賊船何處停泊豈果必發矢開鎗而有拒敵

之患乎大帥小弁分哨會哨非不耀武揚威昂然身登戰艦張大其事名曰出師乃南澳出師不過長山尾澄海出師不過沙汕頭達濠出師不過河渡海門出師不過猷灣碣鎮出師不過甲子天妃廟坐守數月及瓜而還罕有離岸十餘里試出海面優游者商船被劫雖城下亦誘之外洋雖營邊亦移之鄰境彼此互推經年不倦若其海菜魚蝦微利所在戰勝攻取如臨大敵太平無事習與性成亦不足爲怪也 聖主德威無遠弗屆海波不揚陬隘滋肅清居今日而談防海等之一幅西湖圖耳然閒暇綢繆聖人以爲知道百爾君子共勉旃哉

藍鼎元東路海防圖說

原賊之起其初甚微正一二人密約三五人潛至港口窺伺小艇附岸徑跳登舟露及奮舟人駕出外港遇有略大之漁船

則詐稱買魚又跳而上再集匪類至十餘人便敢公然行劫此粵東所謂踏斗者也出遇商船則亂流以截之稍近則大呼落帆商自度無礮火軍械不能禦敵又船身重滯難以走脫聞聲落帆惟恐稍緩相顧屏息俟賊登舟細紮賊或收其財物得船放回或連船劫駕他往雖不願從亦暫相依以冀旦晚劫換一入其黨則與之化日久日多遂分爲一二船勢漸以大此等小輩無他伎倆但使商船勿即惶恐下帆又有礮械可以禦敵賊亦何能爲乎愚以爲商船皆有身家斷不敢思爲匪以自喪其身家性命而且一船下水必有族鄰鄉保具結地方官查驗烙號給與護船牌照方敢出外貿易此等有根有據之人豈不可信而必禁攜鎗礮使拱手聽命於賊乎倘弛商船軍器之禁則不出數月洋盜盡爲餓殍未有

不散夥回家者也哨船之不能禦賊皆謂萬頃渺茫從何捕起風濤險惡性命可虞不知賊船在近不在遠沿邊島澳偏僻可以停泊之區時往搜捕百不失一蓋各省匪類性雖不同然皆必有澳可避風颶乃能徐俟商船之往來必待天朗風和乃敢駕駛出洋以行劫其貪生惜死之心同其哨緝之方堵截之候無不同也向來各省巡哨實心者少每欲出巡必預張聲勢揚旆徐行一二月未離江干又於船中旦暮鼓樂舉礮作威是何異呼賊船而使之避也若使巡哨官兵密坐商船以出勿張旗幟勿鼓樂舉礮作威逼賊船嚮邇可追即追不可則佯爲遜避之狀以堅其來挽舵爭據上風上風一得賊已在我胯下我則橫逼賊船如魚比目并肩不離順風施放礮火百廢百中兩船既合火罐火藥桶一齊拋擊雖

百賊亦可擒也所有銀錢貨物盡賞士卒勿許將弁私自
利首功兵丁拔補把總將弁以次陞遷無得掩抑則將士之
功名財利俱在賊船將不遑寢食以思出哨也

藍鹿州集

柘林寨在饒平縣南大尖峰西南有柘林澳西北至府城百二
十里置寨於此爲戍守要地海防考柘林波連南澳跨閩粵
之交海寇恆窺伺於此他寨或山或礁或港皆有險可守柘
林寨南面平洋海寇揚帆直指瞬息可至且四面孤懸無附
近衛所可以緩急應援故柘林之備爲最切

方輿紀要

明洪武三年設黃岡巡檢司黃岡爲閩廣之交山海之會流賊

往來嘯聚截劫士宦商旅多受其害至是置司鎮禦之二十
七年置大城守禦千戶所於宣化都先是元伐日本南人留
其地者以數萬計習水道遊掠海濱自登萊至東粵咸被其
毒至是命安陸侯吳傑於海濱訓練士卒置城守禦大城所
其一焉設正千戶二員副三員百戶十員鎮撫一員吏目一
員旗軍一千二百二十五員名軍器五千四百五十七件

饒平縣志

嘉靖四十五年改東路爲柘林寨東路之兵時汎時撤海寇伺
其往來以爲肆掠無歲弗擾提督侍郎吳桂芳奏募民兵一
千七百一十六員名領船大小四十五隻以指揮一員將之
建牙於天妃宮之東南而移其宮於西北屹然一巨鎮焉其
地對峙南澳黃岡大城相爲犄角聲援相通

饒平縣志

天啓三年移潮州右營兵鎮黃岡嘉靖之末海寇肆亂知縣羅
印凱呈巡撫舒公奏設通判一員駐劄黃岡然衙宇空置官
惟時歷迫四十四年改海防同知亦但春秋二汎耳至是乃

移右營兵鎮其地而海防二汛仍舊不易

饒平縣志

南澳自明萬厯間設副總兵防守漳潮分福廣兩營逮崇正季年海寇倡亂據為巢穴鼎革後遂廢其地 國朝康熙二十四年臺灣蕩平海外俱入版圖乃移廈鎮設總兵一員福廣兩營遊擊二員除福營外其廣營遊擊標下守備一千總二把總四戰守兵共一千二百名大小戰船二十六隻防守澳城並深澳隆澳西角長山等水汛每年領給錢糧一萬八千兩糧米四千三百二十石

縣志

南澳東懸海島為閩粵海洋適中之要隘其外洋有小島三曰北澎中澎南澎南風起時為賊艘經由暫寄之所其內洋自黃岡大澳而及澄海之放雞廣澳潮陽之錢澳靖海以至於赤澳皆賊艘出沒之區晨遠颺於外洋以伺掠夜西向於島

澳以偷泊故粵東海賊潮郡為最多赤澳一洋自甲子所以至淺澳田尾遮浪汕尾鮎門港大星平海皆屬惠州內洋其賊匪出沒與潮無異故於居中之碣石立一大鎮而下至大鵬佛堂門將軍澳紅香澳急水門以至於虎門而入省會其外洋則自小星筆管沱溢福建頭大嶺山小嶺山伶仃山旗燾嶼九州洋而至老萬山島嶼不可勝數處處可以樵汲在在可以灣泊粵之賊艘不但艚船海舶此處可以伺劫而內河槩船槽船漁舟皆可出海羣聚剽掠粵海之藏垢納污者莫此為甚

陳倫炯海國見聞錄

南澳為閩廣要衝賊艘上下所必經之地三四月東南風盛粵中奸民哨聚駕駛從南澳入閩縱橫洋面截劫商船由外洋嶼料羅烏紗而上出烽火流江而入於浙八九月西北風起

則捲帆順流剽掠而下由南澳入粵劫獲金錢貨物多者各
回家營運卒歲謂之散斗劫少無所利者則汎舟順流避風
於高州海南等處來歲二三月土婆湧起南方不能容則仍
駕駛北上由南澳入閩所以南澳一鎮爲天南第一重地是
閩越兩省門戶也一哨船之接濟宜察也匪類逃躲外洋非
能不食而操舟徒手而行劫由內地奸人接濟之也齊以糧
米食物然後能久延濟以火藥軍器然後敢敵殺論者多歸
咎漁船不知漁船所帶糧米斗石能濟幾何火藥軍器犯禁
之物惟哨船可以攜之向來南澳地方皆守港哨船接濟如
東隴港南洋港漳林港澄海港沙汕頭海山柘林井洲各處
哨船無一不接濟者而東隴海山南洋三處爲尤甚每豬十
隻價近百金米十石價五六十金火藥烏鎗藤牌軍器價皆

十倍潮人謂坐港之利勝於通番此之謂也夫民船犯禁官
兵可緝官兵作弊孰敢櫻鋒是在鎮將留心稽察無使復蹈
前轍海孽之肅清思過半矣一哨船之軍器宜審也北人乘
馬專以弓矢見長南人乘舟角逐於烟波浩蕩之際當其相
距遼濶則弓矢無所用之及兩船既交一人能發幾矢一矢
能傷幾何則莫若礮火之爲功大也鄙意哨船軍器專用烏
鎗鹿銃連環子母西瓜等礮噴天筒火罐火箭佐以單刀藤
牌長鎗大鈎而其餘可一概不用約略一船中有礮火者十
之七爲刀鎗者十之三賊雖有艨艟巨艦不能當官軍礮火
重疊惟俯首就擒耳倘欲用箭必取諸弩而尋常之弩又不
堪用必依諸葛武侯遺法作連環弩上有方筭筭分十道中
藏百箭二人挽之觸機自發一發十矢隨發隨挽矢復自出

每船安置十弩則瞬息間發矢千計一飯之頃萬矢連環雖有劇賊無所逃避此亦舟中之常技也一巡哨之踪跡宜密也兵法有奇正賊勢有大小出其不意敵乃可致往者遊魂猖獗賊首王十二等百十連艘聚泊大萊蕪小萊蕪等處明目張膽受干把總饋獻而不辭哨船之出非所畏也今所謂賊不過無賴之輩饑寒偏身三五成羣踏斗而出遇船小人弱則奪而駕之因其舵水糧食湊集匪類所奪船漸大然後敢公然行劫其為賊也有限其窺伺在商船貨財帛衣糧又必孤行離援乃肆其侮非立意與官兵哨船為敵者也見商船則趨見哨船則避哨船輕而浮其行速商船重而滯其行遲哨船旗幟飛揚牌刀高掛商船無之此賊所能辨也鄙意哨船之出當如商船行徑勿張旗幟勿掛牌刀多運小石

壓載以疑貨物有急可當軍器行莫連船但度策應所可及若斷若續遇賊船對敵然後舉大礮為號眾哨齊集堵截環攻擒獲賊船百不失一若夫妝點軍容張揚聲勢是呼賊船使之避耳非真心捉賊者也

藍鹿洲集

錢夢松曰澄海為潮郡左翼而溪東一寨又邑之要地潮之咽喉也先是倭夷入寇就此登岸遂破蓬州因而蹂躪境內者

數年當事下令各村築堡以守溪東累石成城環城皆水形

勝與他村特異

澄海縣志

惠州府東南有海港焉置平海所為外蕃東曰海豐負峻嶺臨大洋碣石一衛孤懸海表翼以甲子捷勝二所稱重鎮焉

府志

中路海防

廣郡隸縣十有四而瀕海者南海番禺順德東莞新寧香山新

會新安也曰屯門曰雞踏曰雞啼曰冷水角曰老萬山曰三門曰東洲曰南亭曰廣海曰沙灣曰黃圃曰急水曰沿拍皆廣郡衝險而虎頭門澳門南頭厓門為要此防海之中路也

府志

廣州海勢浩渺盜寇靡常前明所患日本諸島多自閩趨廣柘林為東路第一鎖鑰使先會兵守此則可以遏其衝而不得泊矣其勢必越於中路之屯門雞樓佛堂門冷水角老萬山虎頭門等澳而南頭為尤甚或泊以避潮或據為巢穴使添置重兵預為巡哨則必不敢泊既不敢泊則其勢必歷峽門望門大小橫琴山零丁洋仙女澳九竈山九星洋等處而其西浪白澳為尤甚乃番船等候接濟之所也使添置兵船預為嚴哨則亦不敢泊其勢必歷厓門寨海門萬斛山礮洲等

處而其西望峒澳為尤甚乃番船停留避風之門戶使添置兵船預為巡哨則并不敢泊矣夫其來不得停泊去不得接濟則海濱居民不皆安枕而卧哉府志

虎頭門以虎山得名山有二西曰小虎山東曰大虎山稍折而東南右橫檔山左南山相距五六里巋然雙闕而海出入其間界中外故曰門橫檔山首尾樹礮臺二高水面約五十仞南山礮臺一可三仞及水俱宿目兵焉循南山下十餘里三門礮臺一三門者山前突二石插波劃為三也目兵如各礮臺數橫檔南三十里許為龍穴山先置汎哨今廢虎山內外重洋而門當其最深流處番舶及內郡巨艦必由以入經獅子洋達廣州海函谷關也嶺海名勝記

虎門大小哨船四十六水汎四十一曰虎門曰南山曰橫檔曰

三門曰黃茅洲曰碧頭曰大涌口曰軍舖曰楊公洲曰梁鴉橋曰大汾曰白布曰到塢曰望牛墩曰到濬曰黃角左口曰右口曰武山曰泗會涌曰雙岡曰亭步曰鎮口曰鳳涌頭曰槎濬曰牌樓角曰蕉門曰白藤濬曰市橋曰蝦窩曰深涌曰大龍口曰石子頭曰蚊州曰獅子塔曰四沙曰新造口曰地亭曰黃埔曰濫尾曰籐涌曰稍潭老萬山自雍正七年輪遣香山虎門大鵬三協營官兵屯戍至乾隆八年設海防同知於前山寨澳門

諸番入貢餘艘往來出入必經虎門橫檔波濤際天排山撼嶽漁船欲避其險多從三礮臺亭步遠蕉門白籐濬往時盜賊出沒其間今者世際昇平海外清晏然武備不可稍弛余故有復舊寨設礮船之議錢以垣嶺海見聞

增城東莞茶濬十字濬番禺三漕波羅海南海仰船岡茅濬順德黃涌頭香山新會白水分水紅等處皆盜賊淵藪也盜賊多駕高頭小艇藏集兇徒肆行劫掠甚至殺傷人命莫可追究故受害之多不以聞於上官民船隻莫此為困矣為今之計莫若通行各縣責令沿海居民各於其鄉編立船甲長船甲副長副不拘人數惟其船之多寡一依十家門牌循序應當如船二十隻總統於船甲長內以十隻分統於船甲副其各船仍於船尾航外小書某縣船某甲下某人十字翻刻墨填以為記認其甲長甲副各置簿一備載鄉中船數并某樣船隻某項生理一一直書每歲具呈於縣以憑查考凡遇強徒劫打之人識認其船即時投甲長船副上緊鳴鑼追究俾遠近皆知其無字號者即係為匪不拘地方人等各許拏送

明戴璟
禁約

廣省左捍虎門右扼香山而香山又為順德新會之外護港汊

四通奸匪殊甚有心者不可泛視

海國見
聞錄

濠鏡澳前明設有提調備倭行署三今惟議事亭不廢

澳門
紀略

前山寨北距香山縣一百二十里而遠南至澳門十有五里而

近明天啟元年始立叅將府 國初因之康熙三年改為副

將府未幾以左營都司代建土城雍正八年設縣丞署乾隆

九年建廣州府海防同知署於副將府地旁增兵舍百間以

縣丞署為海防營把總署而前山之勢益重

澳門
紀略

澳門在廣州府香山縣之東南去縣治陸路一百四十里水路

一百五十里凡海中依山可避風有淡水可汲曰澳又其東

有大十字門西有小十字門海舶由以出入曰澳門先是海

舶皆直泊廣州城下至前明備倭遷於高州府電白縣後嘉

靖十四年番舶夷人言風潮濕貨物請入澳晒晾許之今輸

課二萬兩澳有夷自是始萬歷二十九年西洋人利瑪竇入

中國始居澳門於後西洋人來者益眾而諸夷稍稍去值

國初以海氛遷界凡沿海地皆棄弗收稅西洋夷人改歲課

輸地租五百兩西洋夷人聚居於澳自是始

張甄陶澳
門圖記

由香山縣東百二十里有前山寨康熙七年移於邑城以都司

統兵一百駐其地與都司官署對峙者海防同知也由寨而

東十五里為關閘把總守之出關閘五里為望夏村由望夏

而西三里為澳門其地周一千三百八十餘丈因山為屋澳

夷居之澳舊有夷城前明總制何士晉墮之今惟築短垣一

帶為限夷人自設兵一百二十名司夜禁察漏稅又前明時

督撫嘗建議請就其聚廬中貫大街樹高柵編以各字號使互相稽察聽市舶提舉司約束後亦不行蓋粵人之以海夷為虞久矣

張甄陶澳門圖記

番舶入廣望老萬山為會歸西洋夷舶由老萬山而西至香山十字門入口諸番國夷舶由老萬山以東由東莞縣虎門入口泊於省城之黃埔其西洋舶既入十字門者又須由小十字門折而至南環又折而至壤媽角然後抵於澳其水路至香山須易小艇夷舶不可到陸門惟關關一徑兩限大海無他歧也

張甄陶澳門圖記

澳門遠隔關關孤懸海外計其地在香山僅如黑子之著面守老萬山則凡諸番舶皆不得入內港守十字門則西夷船不得至澳地其由澳而內入香山有山嶼星羅碁布非易小舟

乘潮汐不能出入制夷之法但閉關開則無所得食斷小艇則窮而無所往禁工匠則船朽無可用其陽為桀驁不馴乃逆知 國家懷柔天覆必不輕加誅戮因有恃而不恐非真能不顧死命而敢悍然無忌也然為澳夷者亦有所苦焉夷少男而多女又多挾貲遠出則苦於漢奸之誘拐稍有資積而孤居島上漁艇小舟出沒不可稽察則苦於匪類之偷竊貨物入內地而子錢拖欠則苦於牙行之負賴馴悍頑之類平其氣而後可以服其心固中外之防修乎內而自可以服乎外而又嚴為之防以折其驕悍豫為之別以杜其紛紜此夷民相安萬年無事之至計也

同上

澳門西洋夷人當善為撫綏使其為我守西入之路也粵東由零丁洋入虎門是為省河東路由澳門入香山是為省河西

路西洋夷人聚族而居彼不敢公然扼絕英夷亦不肯暗助英夷其不敢明拒英夷者恐英夷之先寇澳門也其不肯助英夷者恐英夷得志後蠶食及澳門也又恐得罪中國我兵先剿澳門也然借西洋之力以拒英夷則不足借西洋之力以守澳門則有餘嘗聞道光二十年英夷欲假澳門之道以攻前山營西洋夷人曰我西洋子女玉帛俱在澳門爾英兵若由澳門攻前山則前山之附近居民必至逃散澳門之糧食告絕我西洋人當坐困而死蓋澳門日用所須皆取給於前山之附近居民也我若撫綏失其道西洋夷人或生異心不獨多一敵國且粵東西路一失一險要也

林福祥平海心籌

順邑要害有三一石金剛海口一新濠海口一太平海口三者皆邑之門戶大平逼近海洋曠蕩無蔽嘉靖壬子壬戌兩歲

海賊皆由此徑入越城劫庫虜掠居民知縣李有則始作木柵柵外暗櫺參差守以戈船賊不得入胡友信修之萬曆七年沈鐵以期會往府戈船衛行適賊船三十餘突入東畔居民惶怖一船閣於櫺眾船回救而去始知柵之功云十二年葉初春益增修之柵自大良寨前沙至小灣田

五山志林

厓山在新會南山有兩厓對峙海潮出入宋紹興間常置戍衛

元吳策南海古蹟記

西路諸郡海防

議者謂廣東三路雖并稱險阨尤莫甚於東路亦莫便於東路而中路次之西路高雷廉又次之西路防守之責可緩也是對日本倭島則然矣而三郡逼近占城暹羅滿刺諸番島嶼森列高州東連肇廣南憑滇渤神電所轄一帶海澳若蓮頭

廣東通志卷三十一
海防
港汾洲山兩家灘廣州灣爲本府之南翰雷州突出海中三面環海遂溪湛川瀾州樂民等四十餘隘旣爲三道門戶而海安海康黑石清道并徐聞錦囊諸所皆以合防海澳者也若廉州則尤爲全廣重輕海北扼塞兩有攸寄視三嶺獨勞焉西南雄郡以瓊爲廉之外戶郡邑封疆無不濱海其白沙石瓊館頭文昌海安海康皆西路所當經畫者郡志

高廉雷瓊爲西路瓊固全粵外戶高廉雷亦逼近安南占城暹邏滿刺諸番島嶼森列曰蓮頭港曰汾洲山曰兩家灘曰廣州灣曰遂溪曰湛川曰瀾州曰樂民曰青嬰地曰平江曰淡水灣曰珠場曰林墟曰白沙曰呂灣曰禾田灣皆四郡衝險而白鴿神電諸隘爲要此防海之西路也廣州府志電白在高郡之西其外洋有大小放雞山又西爲吳州其外洋

有酌州營下鄰雷州之白鴿寨錦囊所南至於海安營自放雞而南至於海安中懸酌州暗礁暗沙處處皆有洋匪罕敢出入故高郡之海防較他郡爲稍易雷州自遂溪徐聞海康向南而出四百里爲海安自海安繞西北至廉州之冠頭嶺中由雷公沙永安城調埠川江白龍港處處沈沙難以名載而外洋則有瀾洲當雷廉瓊三郡之中惟盛夏南風大作不可停舟餘時皆可灣泊盜船往來憩息其中冠頭嶺而西至於欽州防城中有龍門七十二逕島嶼懸雜徑徑相通搜捕匪易所以西路盜匪較東路爲尤甚瓊州屹立中地與海安對峙其海道自海口港以東惟文昌之潭門港樂會之新潭那樂港萬州之東澳陵水之黎菴港崖州之大蜆港可以灣泊船隻自海口港以西惟澄邁之馬袅港儋州之新英港昌

化之新潮港感恩之北黎港可以灣泊其餘港汊雖多不能寄泊而沿海沈沙行舟最為艱險海國見聞錄

碙州在吳川縣南大海中宋置碙州若後為翔龍縣明洪武六

年楊景破海賊譚南等於此方輿紀要

限門港兩岸沙磧堅銳逾鐵水道曲折而出舟極難行洵為天

塹廣東輿圖

吳川芷芴實控高涼化電諸水入海之總口其處沙角交牙非

大潮熟道舟不敢入故舊置水哨舟師扼其地康熙二年奉遷失險寇得揚帆入掠內地水哨之設似不可不亟議復也

化州志

東山營東山塘激沙塘此一汎四塘係遂溪縣湛川司地僻處

東隅為雷州左臂其東南為碙州東北為廣州灣正東則大

海無際地方官因其險不能常時稽察嘯聚之徒如吳十

一指烏石二等跳梁於驚濤駭浪中出外洋則擄商船入內

河則劫村莊皆以此地港口為安泊銷贖之所而其地居人

復潛為盜線巧資盜糧幾於不可究詰今則大吏親臨殲其

巨魁赦其脅從二十餘年之畏途已成砥矢且不惟目前之

安又更定營制增設防海官兵阨險要之區嚴門戶之防為

後日圖萬全者法莫良焉嘗試考其地形凡舟之從碙州北

而入雷州海頭各港必從廣州灣而來凡舟之從碙州南而

入雷州雙溪各港必從砂尾而至而東山數十里地方正當

其衝今於東山墟增設師船官兵與碙州營協同堵禦重關

疊險表裏相依奸民不敢恃險竊發即外匪亦無從飛渡如

雙溪白鴿寨海頭等處可永無海氛之警而郡城安若磐石

矣府志

欽州控臨大海制馭安南為藩籬要防折衝重地永樂中兩征交趾皆自廣西之憑祥雲南之蒙自而未嘗以奇兵出欽州傾其內險故賊得以偷息海上則欽州者滅交趾之要途也嘉靖中州臣林希元曹達議而不果用有事交趾者安可後欽州而不講歟方輿紀要

廣東之地為郡者十而入境於海自東徂西相距三四千里國初於此設衛若所大小七十餘處以為海道防者甚久歲久而弊滋戍守之具一切廢弛朝廷知將領之不足恃也乃增置憲臣以提督之於凡海濱之地皆然而尤注意於是邦焉非其人有過人之才廉聲素著者不輕畀也瓊臺會稿

瓊州府城北十里曰白沙港宋設水軍防禦於此明隆慶初始

設白沙寨兵船防守與海口唇齒相倚商船皆住泊焉是瓊治之咽喉也東六十里曰鋪前港深廣可容商船倭賊常從此入即明時海賊李茂澳黨住泊為患之所勢與白沙相倚是瓊治之胸項也瓊州府志

附兵船

嶺南節度使杜佑造水戰船濶狹長短隨用大小乘人多少皆以米為率一人重米二石其檣棹篙櫓帆席絙索沈石調度與常船不殊又分為六等一曰樓船二曰蒙衝三曰鬪艦四曰走舸五曰遊舸六曰海鶻黃志

御史戴璟看得廣東舊設各路備倭官及兵船莫若倣南直隸操江事體令各備倭官將各路兵船編號定甲凡長兵短兵弓射弩射不時海上操練凡使船水手教之以接潮迎風之

法而使之出沒往來如神海道官不時出巡嚴加比練以行
賞罰何患兵之不精乎昔朱買臣治樓船楊僕發水軍曹成
王大選江州能者教之步艦皆素習水戰而率以成功是知
兵不可不素練也至於用槽船亦須造作得法按史古人用
兵黃天蕩舟中實土厓山舟前大木塗泥及戈船匿港神臂
交射之計皆可採用

明戴環議
練兵船

鄧鍾曰廣東船制兩旁設架便於搖櫓廣東自出五虎門上及
大鵬下及北津以西俱有海嶼或斷或續聯絡於外商船來
往多從裏海且風氣和柔全仗搖櫓此廣船所由制也海防
纂要
廣船視福船尤大其堅緻亦遠過之蓋廣船乃鐵力木所造福
船不過松杉之類而已二船在海若相衝擊福船即碎不能
當鐵力之堅也倭夷造船亦用松杉之類不敢與廣船相衝

但廣船難調不如調福船為便易廣船若壞須用鐵力木修
理難乎其繼且其制下窄上寬狀若兩翼在裏海則穩在外
洋則動搖此廣船之利弊也廣東大戰艦用火器於濤浪中
起伏蕩漾未必能中賊即便中矣亦無幾何但可假此以禡
敵人之心膽耳所恃者有發鑪佛郎機是惟不中中則無船
不粉一也以火毬之類於船頭相遇之時從高擲下火發而
賊舟即焚二也大福船亦然廣船造船之費倍於福船而其
耐久亦過之蓋福船俱松杉木蠹蟲易食常要燒洗過八九
汎後難堪風濤矣廣船鐵力木堅蠹蟲縱食之亦難壞也

同上

潮汐

潮朝湧也汐夕潮也統謂之潮與月相應余靖云月臨卯酉則
水漲平西東月臨子午則潮盛乎東北彼竭則此盈者是也

然月順天右行積三十日一周天故其臨子午卯酉時有先
後潮因之亦有晝夜早暮之不同粵潮分五節朔至初三十
六至十八潮夏辰冬午春秋巳汐夏戌冬子春秋亥此之謂
乎初四至初六十九至二十一潮夏巳冬未春秋午汐夏亥
冬丑春秋子此之謂落初七至初九二十二至二十四潮夏
寅冬辰春秋卯汐夏申冬戌春秋酉此之謂敗初十至十二
二十五至二十七潮皆同上惟春則巳時汐皆同上惟春則
亥時此之謂起十三至十五二十八至三十潮夏卯冬巳春
秋辰汐夏酉冬亥春秋戌此之謂旺大抵潮於寅則汐於申
兩辰而盈兩辰而縮朔後三日明生而潮壯望後三日魄見
而汐湧仲春月落水生而汐微仲秋日明水生而潮壯陰陽
消息不失其時故曰潮信若夏秋之際朝潮未落夕汐乘之

駕以颶風前後相盛海水沸溢是曰沓潮此則潮之變也

郭志

廣東考古輯要卷三十一

藝文

經部

經筵講義二卷宋王大寶撰佚見大記 五經註疏輯畧二十卷

明黎貫撰佚見明黃 五經講義明龐嵩撰未見見大記

右經總義

周易四卷晉儒林從事黃穎註佚見隋書經籍志梁有十卷

朱彙尊經藝考黃氏易賈于 邱園賈作賈豚魚作遜魚 易疏刪定十卷宋古成之撰

佚見 乾生歸一圖宋石汝礪撰佚見宋史藝文志十卷

周易證義十卷宋王大寶撰佚見黃岐張氏易十二卷

元張復禮撰佚見大記 修復古易經傳訓測十卷明湛若水

撰存 周易約說十卷明方獻夫撰存 圖書質疑明薛侃

撰存 易義一得明曾俊撰未見 見 周易文物當名二卷

明黎遂球撰存 易譜明鄭旒撰存 易韻數法明陳邦彥

撰存 以 周易九卷吳虞翻註隋志 見 周易日月變例

六卷吳虞翻撰隋志 見 五經鈎沈十卷晉高涼太守楊方

撰隋志 見 大衍圖三卷唐顧蒙撰唐摭言 見 易解宋胡銓

撰史本傳 見宋

右易類

尚書經義明林遜撰未見 見千 尚書本旨七卷明費希冉

撰未見 見黃志 書經旁通十卷明黃瑜撰存

右書類

詩釐正二十卷明湛若水撰未見 見明 詩傳通解二十五

卷明黃佐撰存

右詩類

宗禮宗義二編宋郭叔雲撰見黃志 射禮儀節一卷

明邱濬撰存 儀禮補逸經傳測一卷明湛若水撰存 二

禮經傳測六十八卷明湛若水撰存 禮典四十卷明黃佐

撰未見 禮編二十八卷明唐伯元撰存 家禮儀節八

卷明邱濬撰存 泰泉鄉禮七卷明黃佐撰存 以 大戴

記諡法三卷後漢劉熙註見隋志 書目

右禮類

陳氏春秋漢陳欽撰後漢書 陳元傳元父欽習左氏春秋

春秋 左氏同異漢陳元撰陸德明 釋文欽自名 陳氏

秋經十一卷吳士燮注將軍 士燮注隋志 同 三傳指要十

五卷唐劉軻撰文軻 與馬植書自稱 所著有三傳指要十五

卷漢書右史十卷黃中通理三卷翼孟三卷隋監一卷三禪
五革一卷上座主書稱有十三代名臣議十三卷唐志有帝
王愿數歌一卷讀書志有帝王統略一卷宋志有 春秋正
唐愿年代一卷今皆佚惟牛羊日歷一卷尚存

傳三十七卷明湛若水撰 存 續春秋明經十二卷明黃佐

撰 存 春秋集要十二卷明鍾芳撰 存 以 國語章句二

十一卷吳虞翻注 唐志 見

右春秋類

孝經集善一卷明孫贊撰 未見 見 孝經解二卷明費希冉

撰 佚 見 黃志

右孝經類

翼孟三卷唐劉軻撰 佚 四書本旨二十卷宋譚惟寅撰 見 黃

志 大學義中庸義宋譚惟寅撰 佚 見 古大學測一卷

又難語一卷中庸測一卷又難語一卷明湛若水撰 存 大

學解明葉時撰 粵大記 見 大學原一卷明方獻夫撰 存 羅

陽四書翼六卷明區大倫撰 存

右四書類

大唐正聲新徵琴譜十卷五代陳拙撰 佚 見唐志 鄭 景祐

唐東記一百卷宋馮元宗郊撰 佚 見陳振孫直齋書錄

碧落子斲琴法一卷宋石汝礪撰 通 佚 見 古樂經傳三卷

明湛若水撰 存 樂典三十六卷明黃佐撰 存 樂記解十

一卷明黃佐撰 存 律呂解註二卷明鄧文憲撰 存 琴瑟

譜三卷明汪浩然撰 存 八音摘要二卷明汪浩然撰 存

右樂類

彙雅初編二十卷續編二十八卷明張萱撰 存 字考二卷明

夏宏撰 存 釋名四卷後漢劉熙撰 存 要用字苑一

卷晉葛洪撰唐佚志見

右小學類

史部

唐年歷一卷唐劉軻撰佚見通志畧按宋志作唐年歷代

南代記賈欽文古今年代歷此亦當作年代明帝王統略一

卷唐劉軻撰佚讀書志帝王歷數歌一卷唐劉軻撰唐佚志見

大唐新纂十三卷南漢石文德撰佚國春秋見十三史刊誤

四十五卷宋余靖等撰佚文總目見崇漢書刊誤三十卷宋余

靖撰佚初靖言漢書差舛詔與王志余靖漢書刊誤三十卷景

年乃定著此議者譏其疏謬案是書當從三史中分出未

有漢書茲世史正綱三十二卷明邱濬撰存西漢書纂

明霍韜輯未見序見區通歷三十六卷明黃佐撰未見

明南離志二十四卷明黃佐撰存革除遺事十六卷明

黃佐撰未見泰泉集自序革除遺事節本六卷明黃佐撰存

明朝彙憲二十卷明倫以訓撰未見明通紀二十七卷

明陳建撰存見續明通紀十卷明陳建撰未見春

秋別典十五卷明薛虞畿撰存史竊一百七卷明尹守衡

撰存小史摘編明區慶雲撰未見香樓文集見定稽古編五十

五卷明郭之奇撰存辟雍紀事十五卷明盧上銘撰存上

人粵史要十卷漢魏颯撰佚魏颯撰約史記要言以類相從

史記鈔十四卷晉葛洪撰唐佚志見漢書鈔三十卷晉葛洪

撰唐佚志見後漢書鈔三十卷晉葛洪撰唐佚志見十三代

史駁議二十卷唐吳武陵撰佚舊唐書吳汝訥傳武陵有

右總編

南越志八卷沈氏撰隋志見劉氏興也錄一卷南漢胡賓王

撰漢通志畧序偽偽南漢書十卷宋周克明撰州人物

傳克明字昭文南海人初諸僭國皆有纂錄獨嶺南關焉惟

胡賓王胡元與二家纂述皆不詳克明訪耆舊采碑誌孜孜

著撰裁十數卷書未成而卒

右霸史類

奏議五卷宋余靖撰宋志見歐陽文忠集明制詔八卷明霍

韜撰存兩廣奏草十六卷明葉成撰存

右奏疏類

姓源韻譜一卷唐張九齡撰伏見文曲江張氏家譜一卷

不著撰人伏見通志畧

右譜系類

慶歷正旦國信語錄一卷宋余靖撰伏見文書錄解題目錄

清獻公言行錄三卷宋李肖龍撰存東坡年譜一卷宋王

宗稷撰存典故辨疑二十卷宋李大性撰未見直齋書錄東

嘉先哲錄二十卷明黃佐撰未見明志崔清獻全錄十卷明

崔子璫撰存殿閣詞林記二十二卷明黃佐廖道南撰存

廣州人物傳二十四卷明黃佐撰存嶺南耆舊遺傳明

王漸遠撰存百越先賢志四卷明歐大任撰存廣陵十

先生傳明歐大任撰存粵東名臣志三卷明霍尙守撰存

二程年譜二卷明唐伯元撰存宮省賢聲錄四卷明高

日化撰存上粵人廣州先賢傳吳陸允撰伏見唐志廣州先

賢傳七卷劉芳撰伏案唐志不著年代北魏書有劉芳傳

在陸允廣州先賢傳之後御覽引用桂陽先賢書贊吳張

勝撰伏見桂陽先賢畫贊五卷吳張勝撰伏見通志

案隋志

廣東古今圖書集成卷三十一 文藝

五

有書贊無畫贊通志畧有畫贊無書贊未知為二為一姑兩存之

交州先賢傳三卷晉范

瑗撰隋志見

張九齡事迹一卷唐劉晏撰唐志見

高力

士外傳一卷唐郭湜撰錄存見書

孫威敏征南錄宋滕甫

撰未見皇祐平蠻記宋馮炳撰文獻通考二卷讀書志一卷

潘美事迹一卷不著撰人宋志見

儂智高事一卷宋曹叔

卿撰宋志見廣州十賢傳一卷宋蔣之奇撰存廣王衛

王本末一卷宋陳仲微撰存

廣王事蹟一卷不著撰人佚

志見宋南征錄一卷明張瑄撰存韓祠錄三卷明葉性談

倫同編存

陸右丞蹈海錄一卷明丁元吉撰存

交黎撫

勦事畧五卷明方民悅撰存

洗海近事二卷明俞大猷撰

存

綏廣紀事一卷明高洪撰存

前後平粵錄四卷明談

愷撰存明志見

右傳記類

嶺南地圖隋樊子蓋撰隋書子蓋傳開皇初轉循州刺史十八年入朝奏嶺南地圖廣

東路圖經五十七卷不著撰人通志畧見嶺海輿圖一卷明

姚虞撰存

廣東通志初藁四十卷明戴璟撰七十二卷

廣東通志七十二卷明郭棐王學曾袁昌祚同修存廣

州圖經二卷宋王中行撰獻通考見文

南海縣志十三卷宋

陳峴修宋志見增江志四卷宋王中行撰黃志見韶州

舊圖經未詳撰人地紀勝見輿

韶州新圖經十二卷宋趙伯

謙撰宋志見曲江縣志十二卷宋蘇思恭撰宋志見英

德府圖經不著撰人地紀勝見輿

滇陽志不著撰人輿地紀

勝循陽志不著撰人輿地紀勝見輿

宋人

惠陽圖經不著撰人日教授余嘉序

潮州圖經一

卷宋趙師岌撰

宋志見

信安志宋毛憲撰

宋志見

肇慶

府圖經未詳撰人

地紀勝見輿

南恩州圖經宋人撰不著名

氏地紀勝

見輿

臨封志宋虞大中撰

引撰人見宋志

高

涼志七卷宋劉棠撰

錄題解見書

化州圖經宋人撰未詳名

氏平寔字記

瓊管圖經十六卷宋趙汝厦撰

宋志見

桂

陽圖志六卷宋鄭紳撰

宋志見

右志乘類

交廣圖一卷不著撰人

佚玉海熙甯中上以二廣邊機利害二十五條及邕州溪洞交河圖三本並

今缺不知作者

治水或問四卷明龐尚鴻撰

宣大

山西諸邊志一卷明翁萬達撰

明志見

右河渠邊防類

羅浮山志明黃佐撰

存

匡山志十八卷明張詡撰

存

嶺海

名勝志十六卷明郭棐撰

存西樵山志明霍尙守撰

登羅山疏晉袁宏撰

佚羅浮山記徐道覆撰

廣州山水記不著撰人

平寔字記羅浮山記一卷宋

郭之美撰

通志畧見

霍山記一卷宋林須撰

山履平集一卷宋司馬儼撰

宋志見峽山利涉集一卷宋

潘子韶撰

宋志見

峽山利涉集一卷宋

南華志四卷明符錫撰

黃志見

右山水類

海珠小志五卷明李韡撰

存續修三山古蹟志明薛學參撰

未見

以

南海古蹟記一卷元吳萊撰

右地理雜記類

異物志漢楊孚撰

隋志見

交州異物志漢楊孚撰

隋志見

交廣二州春秋晉王範撰吳書孫策傳注臣松之案太

康八年廣州大中正王範上交廣

春秋二州交廣記晉黃恭撰自王範始創為之其後有黃恭字

義仲者復瓊海方輿志二卷元蔡微撰未見粵大記

著交廣記 三十二卷明郭棐輯存以

南越行紀漢陸賈撰大記賈

兩奉使所著有南越行紀言羅浮山嶺有湖嘉植環之南越

花有芳香移者移自海國不隨水土而變與橘化為枳異矣

南州異物志一卷吳萬震撰丹陽太守萬震撰南方

草木狀三卷晉嵇含撰存含自序曰南越交吐植物在四

開拓封疆搜求珍異取其尤者充貢中州之廣州記晉裴

人或味其狀乃以所聞詮叙有裨子弟云爾

淵撰黃志見 南越志五卷宋沈懷遠撰臨通考作七卷

珠崖傳一卷偽燕蓋宏撰隋志見 交州雜事九卷不著

撰人士燮及陶璜事見 來南錄一卷唐李翱撰存南方

異物志唐房千里撰唐志見 投荒雜錄一卷唐房千里撰

高州既北歸編山川物產之奇人民風俗之異為此書一名

段公路撰存 陸希聲序畧云公路以事南遊五嶺常采其

而志之至草木果蔬蟲魚羽毛之類有瑰形詭狀者亦莫不

畢載又能連類引証與奇書異說相參驗真所謂博而信者

矣案宋志有陸希聲北戶雜錄三卷又有段公路北戶雜錄一卷蓋因希聲序而誤為二書也 重編嶺

表錄異三卷唐劉恂撰存嶺南異物志一卷唐孟瑄撰佚

見唐嶺表異物志一卷不著撰人宋志見 修海嶠志譚

子和撰平寰字記見 南中志未詳撰人平寰字記見 潮陽新

編宋陳堯佐撰宋志見 南遷錄一卷宋丁謂撰通志畧見

番禺紀異五卷宋馮拯撰讀書記見 南越志一卷宋陳承韜

撰海作見通志畧無時代玉 續南荒錄一卷宋陳隱之撰

宋志見 廣東會要四卷宋王靖撰玉海見 番禺客語一

宋志見

宋志見

宋志見

卷元黃潛撰未見 海槎餘錄一卷明顧玠撰存 潮中

雜記十二卷明郭子章撰未見 南粵槩四卷明馬欵撰

未見 見明志

右風土雜記

海語三卷明黃衷撰存 赤雅三卷明鄭露撰存 以扶南

傳康泰撰經注 扶南記竺芝撰案扶南國太平寰宇記列

南海西大島中又有赤土國 交州以南外國傳不著撰人

云扶南之別種在崖州之南 扶南異物志朱應撰書經籍志 海南諸蕃行

記一卷唐達奚通撰唐志 見

右外錄

唐六典三十卷唐張九齡等撰存 唐會要開元二十六年二

卷成百 翰林記二十卷明黃佐撰存 以廣州牧守記

宋趙勰撰宋志 見 廣州市舶錄宋趙勰撰通志畧 見

右職官

中興自治萬全策宋馬持國撰佚 中興政要書一卷明陳邦

彥撰存 以 粵東鹽政考二卷明李樞撰存

右政書

經籍目略明王佐撰未見 見 元祐黨人碑考一卷明海瑞

撰存

右目錄

子部

千秋金鑑錄五卷唐張九齡撰見唐志其書 先天太極論宋

蘇澤撰後村集 自警編九卷宋趙善瑋撰存 正論模

楷二卷宋梁文奎撰黃志 見 皇極經世書傳八卷明黃畿

撰存 三五元書二十五卷明黃畿撰未見 陳白沙言

行錄十卷附錄二卷不著撰人未見 大學衍義補一百

六十卷明邱濬撰存 朱子學的未見 二卷明邱濬撰存 白沙

遺言纂要十卷明張詡撰存 古文小學六卷明湛若水撰

未見 聖學格物通一百卷明湛若水撰存 白沙子古

詩教解二卷明湛若水注存 心性書明湛若水撰存 道

道錄八卷明湛若水撰存 楊子折衷六卷明湛若水撰存

甘泉新論一卷明湛若水撰存 獻納編二卷二業合一

論一卷樵語一卷雍語一卷大科訓規一卷明湛若水撰存

程子語十二篇明方獻夫撰存 小學古訓一卷明黃佐

撰存 庸言十二卷明黃佐撰存 理學本原明黃佐撰未見

序見 姆訓一卷明黃佐撰存 信卦一篇明鄒魯撰存

弼唐先生語錄一卷明龐嵩撰存 學部通辨十二卷明

陳建撰存 天泉會語明楊起元撰存 白沙先生語錄明

楊起元輯存 經濟言十二卷明陳子壯撰存

右儒家

三要南漢黃損撰十國春秋黃損字益之連州人常著 運籌

綱目八卷決勝綱目十卷明葉夢熊撰存 百戰奇法十卷

明蒙詔撰存 以 兵法孤虛月時秘要法一卷晉葛洪撰

唐志 陰符十德經一卷晉葛洪撰唐志 見

右兵家

寶臧暢微論三卷南漢軒轅述撰佚 太平聖惠方一

百卷宋陳昭遇等撰未見 以上粵人 肘後方六卷晉葛

洪撰隋志 見 玉函煎方五卷晉葛洪撰隋志 見 神仙服

食藥方十卷晉葛洪撰隋志見

黑髮酒方一卷晉葛洪撰

佚

杏仁煎方一卷葛仙公撰宋志見

南行方唐李

繼臯撰宋志見

嶺南脚氣論一卷又方一卷唐李暄撰佚

見唐

南中四時攝生論一卷唐鄭景岫撰唐志見

南海

藥譜一卷不著撰人總目宋志同

治嶺南眾疾經效方二

卷不著撰人通志畧

右醫家

極衍二十四篇五代周傑撰國春秋見十

歷考芻言明劉杰撰

佚袁

右天文算法

六壬軍鑿式三卷南漢胡萬頃撰文總目見崇

太乙時紀陰陽

二遁立成歷南漢胡萬頃撰文總目見崇

羅浮山人和命篇一

卷不著撰人

通志畧

堪輿類纂人天共寶十二卷明黃慎

撰存以

周易集林律歷志一卷吳虞翻撰志子部見唐

京氏參同契律歷志一卷吳虞翻撰陳氏日專言占象而不可盡

通 遯甲肘後立成囊中秘一卷晉葛洪撰隋志見

甲要用四卷晉葛洪撰隋志見

一卷晉葛洪撰隋志見

三元遯甲圖三卷晉葛洪撰唐志見

右術數

射法一卷南漢黃損撰文總目見崇

右藝術

增城荔枝譜一卷宋張宗閔撰通志未見

見 端溪硯譜一卷不

著撰人存未有清熙十年東平榮芑跋云右籍雲葉樾交

叔傳此譜稍異於眾人之說不知何人所撰稱徽祖

爲太上皇必紹
與初人云云
香錄一卷宋葉廷珪撰宋志見
端溪硯石考未詳撰人存見檀
南蕃

右譜錄

問答漢姚文式撰佚水經注漢交州
子明李時行撰未見西陽正俎十篇明郭棐撰存
疑耀七卷明張萱撰存諸經品節二十卷明楊起元撰存
證學編四卷附證學論策一卷明楊起元撰存識仁編
二卷明楊起元撰未見

右雜家

珠玉鈔一卷唐張九齡撰佚見唐
贊編佚見事類蒙求宋黎獻撰未見見仕學類編
明羅煥章撰佚見以上粵人藻軒閒錄補續詞叢類探八

卷明林鏞撰存鏞官廣東三水龍門二縣教諭終於昌化
門學署縣知縣是書蓋爲課龍門諸生而作藻軒者龍
齋名也

右類書

牛羊日歷一卷唐劉軻撰存唐志注牛僧儒楊虞
鈔十卷明黃瑜撰存以卿事檀欒子皇甫松序
志冥報記唐唐臨撰佚見唐西京雜記二卷晉葛洪撰存見唐
定保撰存讀書志分三十六門記番禺雜記一卷宋鄭
熊撰佚見書嶺外錄異三卷宋劉昶撰佚見
拾翠十卷宋蘇軾撰通志見龍川畧志十卷宋蘇轍撰存
龍川別志八卷宋蘇轍撰存峽山神異記一卷宋王輔
撰存

右小說

廣東考古輯要卷三十一 藝文 三

老子戒經一卷晉

葛洪撰佚見唐志 五嶽真形圖文一卷胎息要訣一卷運元

真氣圖一卷神仙傳畧一卷葛仙翁序一卷抱樸子別旨一

卷晉葛洪撰佚見抱樸子內外篇八卷晉葛洪撰存

神仙傳十卷晉葛洪撰存 金液丹秘訣一卷羅浮真人

撰佚見龍虎金液還丹通元論一卷蘇真人撰佚見

考陳氏日稱羅浮山蘇真人撰 太霞玉書唐軒轅集編存

右道家

六祖傳一卷不著撰人存 六祖壇經二卷唐惠能撰未見

志 六祖解心經一卷唐惠能撰佚見讀書志 金剛太義訣一

卷仰山辨宗論一卷唐惠能撰佚見宋志 六祖解金剛經一

卷唐惠能撰佚見文獻通考 六祖壇經二卷唐釋惠昕撰未見

讀書志案通考作 六祖壇經二卷唐釋法海撰存見書

僧惠助不知孰誤 楞嚴經疏二十卷宋釋于璩撰存見書

右釋家

集部

司徒掾陳元集一卷漢陳元撰佚見隋志 士燮集五卷吳士

燮撰佚見唐志 平越司馬黃整集晉黃整撰佚見隋志十

唐集十卷 曲江集十卷附錄一卷唐張九齡撰存見書錄

江集本有元祐中郡人鄧開序自言得其文於公十世孫蒼

梧守唐輔而刊之卷末行狀神道碑論議蜀本無之明揚

起元序畧曲江文集海內罕得見之成化癸巳瓊山邱濬始

得於館閣羣書中手自鈔錄梓於韶韶之有曲江文集瓊山

之功也歲遠板腐人家藏本罕存而廣刻金鑑錄則市鬻而

家下車即詢是金谿如王永公以侍御出僉粵憲兵備於韶

守蔣公付邑令張君履祥董其役梓焉又索諸其後人得公

遺像一幅命工肖厥卷首於 唐初表草一卷唐張九齡撰

是茲集煥然一新稱全書矣

存見崇 鄭愚集唐鄭愚撰初堂書目見遂 昌黎文錄唐趙

文總目見唐自序 莫孝肅公詩集唐莫宣卿撰張仲方

集三十卷唐張仲方撰唐志見 邵謁集一卷唐邵謁撰存

見書 陳陶文錄十卷唐陳陶撰唐志見 陳陶詩錄二

卷唐陳陶撰存 桂香集十卷南漢黃損撰黃志見 金齋

集五代孟賓于撰一書錄解題 陳用拙詩集八卷南漢

陳拙撰國春秋見十 古成之集三卷宋古成之撰宋志見

武溪集二十卷宋余靖撰存 揭陽集十卷宋陳希叔撰未

宋志見 王元龜遺文十五卷宋王大寶撰粵大記見 議蘇文

五卷宋梁觀國撰州人物傳見廣 崔清獻公集五卷宋崔與之

撰存 文溪集二十卷宋李昂英撰存 文溪詞一卷宋李

昂英撰存 詠歸集二卷宋李春叟撰存 覆瓿集六卷宋

趙必瑑撰存 三李集明李質李穆李伯震撰存 孫西菴

集九卷明孫蕡撰明志見 寶安雜詠二卷明陳璉撰存

琴軒稿三十卷明陳璉撰存 秣坡詩稿七卷附錄一卷明

黎貞撰存 退菴遺稿七卷明鄧林撰 覺非集十二卷明

羅亨信撰明志見 行素集六卷明盧祥撰存 雞肋集明

王佐撰存 瓊臺類稿明邱濬撰存 重編瓊臺會稿

二十四卷明邱濬撰存 白沙先生全集九卷明陳獻章撰

存 世教錄明康麟撰存 巽川集十六卷附錄二卷明祁

順撰存 寶安雜詠一卷皇華集二卷明祁順撰存 陸萬

松集選二卷明陸宣撰存 南川集十卷明林光撰存 東

所文集十三卷明張詡撰存 南海雜詠十卷明張詡撰存

鬱洲遺稿十卷明梁儲撰存 東峯詩文一卷明陳庸撰

存

梧山集二十卷明王績撰存王守仁序

矩洲集明黃衷撰

存

迂岡集十卷明倫文叙撰存明志見

甘泉文集明湛若

水撰明志見

西樵遺稿明方獻夫撰存明志見

泰泉集十

卷明黃佐撰存

泰泉全集六十卷明黃佐撰存案泰泉集凡二其十

卷之本乃佐手定詩集門人李時行序而梓之其六十

卷詩文全集則門人黎民表編次其子在素等刊行

渭厓文集明霍韜撰明志見鍾筠溪家藏集三十卷明鍾芳

撰存

青蘿集明王漸遠撰明志見

兩都賦二卷明黃佐

撰明志見

籟鳴集一卷明黎密撰存

念山人詩集四卷

明余世亨撰存

羅司勳集八卷明羅虞臣撰存

東菴先

生集明林大欽撰存

吾野漫筆十一卷明許炯撰存天

山草堂存稿八卷明何維柏撰

弼唐先生存稿三卷明龐嵩撰存瑤石類稿十六卷明黎民表撰存大司空遺稿

明陳紹儒撰存

次川存稿八卷明譚大初撰存

煥初堂

集四卷明盧夢陽撰存

駕部集三卷明李時行撰存五

鵲別集明黎紳撰存

事軒摘稿一卷明張子翼撰存比

部集八卷明梁有譽撰存

備凶集十卷明海瑞撰存百

可亭摘稿九卷明龐尚鵬撰存

石洞集十八卷明葉春及

撰存

虞部全集四十三卷明歐大任撰存

黎司封集五

卷明黎民衷撰存

勉齋集二十二卷明霍與瑕撰存謝

山存稿十卷明陳吾德撰存

天池草二十六卷明王宏誨

撰存

粵劍編四卷明王臨亨撰存

楊文懿集十二卷明

楊起元撰存

句漏集一卷明鄭學醇撰存莞沙文集十

卷明袁昌祚撰存

抱膝居存稿二卷明謝與思撰存區

太史詩集二十七卷明區大相撰明志見

端溪詩稿江門

游稿江洲存稿明區大倫撰存 朶雲山房稿十二卷明韓

上桂撰存 百花洲集二卷解弢集一卷明鄧雲霄撰存

漱玉齋文集鄧詩選明鄧雲霄撰存 笑拙墅稿一卷明金

建中撰存 江臯小築集三卷明李元弼撰存 文恪公集

二十一卷明韓日纘撰存 定香樓全集二十卷明區慶雲

撰存 元氣堂詩集三卷明何吾騶撰存 練要堂前集六

卷後集五卷明陳子壯撰存 周貴諤詩集明周一士撰存

元超堂稿一卷明區懷年撰存 蓮鬚閣集十卷明黎遂

球撰存 見 自家意思詩集三卷明李萬齡撰存 嶺南

詩六首為貫珠集之二 風操堂集十六卷明李際明撰存

嶺南貫珠集之三 函秘齋集二卷明李榭撰存 綺園蕉筒集明

梁佑遠撰存 歐子建集十七卷明歐必元撰存 嶠雅四

卷明鄭露撰存 以 御史虞翻集二卷後漢虞翻撰 見隋

志唐志 宦遊記二卷唐李義府撰 流振州者宦遊記二卷

窮愁志唐李德裕撰 舊唐書本傳德裕初貶潮州雖

十篇號曰 潮陽新編宋陳堯佐撰 未見 南征集二卷

宋蘇軾撰 存 見 寓惠集四卷宋蘇軾撰 存 海外集四

卷宋蘇軾撰 存 南海集八卷宋楊萬里撰 存 見 南海

集三十卷宋林安宅撰 未見 南海百咏一卷宋方信孺

撰存 韶程詩一卷宋章文化撰 宋志 見 羅浮寓公集三

卷不著撰人 志 見宋志黃 陽明寓廣遺稿二卷明王守

仁撰 存 南征集稿明祝允明撰 未見 粵草一卷明陳第撰

見 未 粵草十卷明郭子章撰 未見

以上別集

廣州刺史碑十二卷不著撰人佚見隋志山書目 雅音會編十二卷

明康麟編存 樂府通考二卷明陳璉撰存 精選古體詩

明湛若水編未見序見甘泉文集 明良集十二卷明霍韜編存

廣州四先生詩四卷不著編輯姓氏德存四先生者黃哲李德王佐趙介俱明初人

六藝流別二十卷明黃佐刪定黎民表等所編存 明音

類選十二卷明黎民表編存 清泉精舍小志一卷明黎民

表編存 唐音類選二十四卷明潘光統編存序見東莞宋八遺民錄明袁昌祚撰未見

莞宋八遺民錄明袁昌祚撰未見劉鴻漸序畧曰文天祥玉淵必豫參其軍後天祥被執必象遜歸宋山遂隱於温塘

村與陳庚陳紀相唱和袁莞沙先生採撫事行綴以遺文自

皆附焉又益以趙東山何文季邵績都為一集 冷邸小

言一卷明鄧雲霄撰存 王氏文獻明王猷撰存 南國花

信集一卷附一卷明陳子壯黎遂球等撰存 九家集選明

黎遂球編存九家謂屈原宋玉司馬相如揚雄司馬遷江淹鮑照李白蘇軾也以上粵人 海南

集二十一卷後集十三卷不著撰人佚讀書志曰右海外瓊管之集也於中可見

丁晉公蘇長公趙豐公折仲古 廣州五先生詩選二卷明

李泰發胡邦衡諸公之文筆 嶺南文獻三十二卷明張

陳暹編存五先生者孫黃王 嶺南文獻三十二卷明張

邦翼編存是集採粵中前哲之文起唐張 補刻嶺南文

獻六卷明楊瞿峽編存 南園五先生集二卷明葛徵奇編

存初嘉靖間陳暹合刻孫黃等五人詩為廣州五 瓊

先生集崇正丁丑徵奇巡撫廣東又訂正而重刻之

臺詩話二卷明蔣冕撰存

以上總集



